

nare cōuenit, neq; huiusmodi dispositiones curantia medicamina ijs quæ aphthis conducunt annumerare, sicut nec ijs quæ erysipelata curant, illa quæ strenuè digerunt particulas quæ ex refrigerantium medicaminum applicatione liuidæ euaserunt, & duræ ex erysipelacea dispositione ad scirrhosam delapsæ. Quapropter etiã nonnulli indistincta huiusmodi scriptura decepti, erysipelatis calida, & quæ digerunt medicamenta, atque aphthis ea quæ ad putredines congruunt adhibentes, non exiguas offensas inferunt.

**CLAVDII GALENI PERGAMENI DE
COMPOSITIONE MEDICAMENTORVM SECUN-
dum locos liber septimus, Ioanne Guin-
terio Andernaco interprete.**

De affectibus, qui instrumentis respiratori dicatis accidunt.



Olent recentiores medici nominare arteriacas, non adijcien-
tes, utrum antidotos dicant, an alio significatu: nonnulli ea ecle-
cta, ab eo quod lingi possunt, nuncupant, non addentes medi-
camenta: quidam in totum nullam distinctionem ipsis ascripse-
runt: nonnulli raro apposuerunt, hi ad abscisam uocem, illi gene-
ralius adhuc ad uocem oblaesam: sunt qui ad arteriam exaspera-
ratam, & ad exulceratam scripserunt. Quamobrem bona ra-
tione qui arteriacis medicamentis nominatis indistincte utuntur, interim sanè uoti
cōpotes fiunt, interim uero nihil omnino ægrotates iuuant, sed plurimū offendunt.
Clarum autem omnibus est, quod in huiusmodi affectibus asperam arteriam cau-
sentur. Olim igitur quando non appellabant arterias, quæ cordi similiter pulsant,
de sola quæ ex pulmone in laryngem emergit, arteriæ nomen protulerunt, uenas
omnino appellantes, quemadmodum alias quæ non pulsant, ita & pulsantes. Po-
stea uero ubi appellatio de pulsantibus dici consueuisset, propter æquiuocationem,
asperæ, nomen adijcien-tes, arteriam quæ ex larynge in pulmonem pertinet, nomi-
narunt, sic ut etiam bronchum eam uocitent, quoniam corpora cartilaginosa, quæ
magna ipsius substantiæ portio est, bronchia nuncupant. Cæterum arteriam ipsam
crassa membrana intus succingit, quam nonnulli ob crassitiem, tunicam appellat.
Cum igitur affectus aliquis, uel in hac, uel in musculis, qui in larynge habent, pro-
uenerit, arteriacas uocant, quæ ipsis medentur, non adijcien-tes, ut dixi, antidotos.
Cæterum dissimilia specie facultatibus sunt, quæ ab ipsis scribuntur, ideoq; accidit
ut qui citra distinctionem ipsis utantur, à scopo frequenter aberrant. Quod autem
multa quædam sit differentia eorum quæ medici in libris medicatorijs tradiderunt,
ex tribus exemplis licet tibi condiscere: quorum aliud sanè minime mordax est, et
40 exactè obstruit, aspretudines læuigans: aliud huic contrarium, acrimoniæ morda-
cis non mediocriter particeps, ut si particule ad amullim sanè adhibeatur, eam ex-
asperet: medium uero amborum dictorum est aliud genus medicaminum arteria-
corum, facultatis citra rosionem abstergentis. Itaq; emplasticum est, quod ex pas-
so cretico, gummi, tragacantho & glycyrrhiza præparatur: acre autem ex pipere,
calia, cinamomo, galbano, & resina terebinthina. Medium amborum est ex ptisa-
næ cremore, amygdalis, & fabarum lomento, alijsq; id genus. Intra medium & ex-
trema utriusq; plura sunt medicamenta, alia magis, alia minus à medio digressa, de
quibus deinceps diffiniam, eos qui distinctionem aliquam apposuerint, commen-
dans: illos qui absoluto sermone scripserunt, non recipiens. In medio amborum
consistunt, qui distinctiones parum integras moliti sunt, qualis est etiam eorum

qui scripserunt, Arteriace ad uocem abscisam, aut contrà, Arteriace ad eos quæ raucam uocem ædunt. Nam uocem esse abscisam, quod est non posse loqui, plures causas comitatur: partim sanè distillationes ex capite inueteratas, partim purulentos, tabidos, & eos qui ex magna uoce et multa affecti sunt, deinde nō probè curati, uel etiam qui nascentē adhuc dispositionem obtinent. Pari modo & rauca uox efficitur, tum ex eisdem causis, tum ex frigidi spiritus inspiratione. Itaq; dispositio uocis inopiæ & raucitatis finitima est: magnitudine autem affectus hi inter se differunt. Cum sanè uehementius & difficilius uocis instrumenta humiditate irrigant, uox aboletur: cum moderatius humescunt, rauca efficitur. Cum autem uocalia instrumenta dico, arteriam intelligite, laryngem & pharyngem. Quibus igitur ex uehementi clamore uox magis uitiata est, limilis quispiam accidit affectus ei qui subinde oboritur manibus, cruribus, lumbis, spinæ, & musculis plurimum dolentibus. Vocant autem nonnulli gymnastæ huiusmodi musculorum dispositionē in quibus consistit, lassitudinē inflammatoriā. In arteria igitur interior eius membrana, aut tunica, aut quomodocūq; nominare quis uelit, à spiritu qui per magnas uoces foras effertur percussa, ad dispositionem inflammatoriā peruenit: multo magis si præter uocis magnitudinem, acuties quædam adhuc accesserit. In larynge autem præter hanc percussione, etiam actio ipsius maiorem dispositionem efficit. Curationis uero genus in qualibet particula materijs euariat: oleo siquidem infricare crura, manus, & spinam facile est, facultate ipsius per cutem in musculos ei connexos perueniente: in aspera autē arteria, cartilagines post cutem sitæ emollientium unguinū facultatis transitum in subiectā membranā prohibent. Quemadmodum enim oleum, sic alia multa composita medicamenta idem afferunt præsidij, & quæ initio acopa dicta sunt, sola hæc paulatim appellationem à seipsis ad similia consistentijs extenderunt, etsi calefaciendi uehementer gratia adhibeantur. Communis autē materia auxiliiorum instrumētis uocalibus cum alijs existit, quæ ex balneis petitur. Constat autem omnibus, quod ex aquis dulcibus materiam putem: nam marinæ, sulphuræ, aluminosæ, chalcantum & bitumen referentes, eò quod ualidè exiccent, non sunt idoneæ. Quinetiam ita faciunt qui uocem exercent, cum contendendo illam confregerint. Sunt autem hi citharædi, & præcones, tum qui tragœdiam comœdiamq; exhibent: balneis enim copiosis utuntur, & cibos rosionis expertes laxantesq; comedunt. At si etiam asperitatem persentiant, eos qui particulis obtingentibus inhærescant, assumunt: una siquidē est tunica sibi continua, quæ pharyngi, laryngi, stomacho, & asperæ arteriæ per interiora exporrecta est. Quod si dispositio in uocalibus oborta instrumētis, uictus ratione & balneis non subsidat, ad arteriacas proficiscuntur, cibis utentes per totum hoc tempus qui ex lacte, amylo, chondro, ouis, & placentis constant. Quod si his non curetur, inuenta sunt à medicis remedia, quæ quod sub lingua teneantur, hypoglottides nominantur: sunt autem hæc medicamenta eiusdem cum arteriacis, quæ inflammacionem arcent, facultatis, ex uino thæreo, gummi, tragacantha, & glycyrrhiza composita, quæ, ut dixi, læuigant simul & asperitates repellunt. Quantum igitur in partibus relinquitur ex inflammacione, id & concoquunt, & citò perfanant. At indurium esse oportet eum qui medicamentum linguæ subiicit, ut paulatim eo liquefcente larynx id quod in eam defluit excipiat, tussi oborienti resistens: nam continentes se ut non tussiant, concedent ut aliquid medicamenti in laryngem & arteriam defluat. Vt autem claram uocem habeant qui ita sunt curati, fieri nō potest, nisi rursus medicamentis citra rosionem abstergentibus utantur, quale est lomentum, ptisana, & lini semen torrefactum: quippe huiusmodi medium ordinem possident inter medicamenta facultate mediocria, & emplastica. His autem magis abstergunt resina terebinthina, thus, mel despumatū, amygdalæ amaræ: sicut rursus ualentior

ualentior his est erui farina, hormini semen, iridis radix, & panacis: omnibus his uina conueniunt & mollia, & dulce creticum, thareū, & scybelites. Præterea haud noui quomodo neglectum, quod à nostræ Asiæ Græcis hepsēma, id est, sapa uocatur, qui magis attico sermone utuntur, siræum appellāt, dicuntq; quemadmodum alij, caricarum decoctū, ac certant inter se, utrum ipsorum siræum nuncupare oporteat. Est autem & hoc ipsum siræum, quod pinguibus caricis in aqua decoctis efficitur, mediæ facultatis, quā absterforiam & rosionis expertē nominauimus: itaq; mustum quod coquitur maxime emplasticū est, & minime rodens; uerū ex caricis decoctum magis digerit abstergitq;. Quemadmodū igitur in superioribus dixi, 10 omniū simpliciu medicamentorū facultates exacte cognitæ habere oportet eum qui compositū aliquod uolet efficere: is aut ipse etiam illis quæ alij composuerunt recte utetur, præsertim cū indistincte scripta fuerint, sicut etiam plurimæ arteriæ. Porro cuilibet notum est his quoq; quæ distincte prodita sunt, hunc ipsum melius usurū; etenim secūdam exactam rationem, quatenus affectuū constitutio degenerat, etiā utile huic medicamentū immutare oportet; hoc autē solus recte, qui uniuersuiusq; simplicis medicamēti facultatē cognitā habet, ad amissim nouit, adiiciens priori medicamento exiguum quiddam ex proximo ordine. Exempli gratia, in tenuis lassitudinibus cum in pharyngis musculis prouenerint, per initia sanè conueniunt mitissimi cibi, medicamenta autem emplastica: ubi iam subsederit inflam- 20 matio, exiguū ex absterforijs quiddam apponi debet; deinde postea amplius; hinc aliud rursum illo generosius, ut paulatim compositio ad medium absterforiū perueniat: eodemq; rursus modo in hoc magis digerens & abstergens: postea sic ad uehementissimū, cum diutius ueluti scirrhusa quædam dispositio in uocalibus instrumentis perseverat. Primi igitur ordinis est tragacanthū, gummi, samius aster, amydon, & sorbitio ex chondro & trago, probè coctis: item lac ipsius idoneum est, placenta, oua sorbilia, & nuclei pini, quos nunc omnes uocant strobilos, olim uero apud Atticos uocabantur conij: item sesama huius generis existunt. Post hæc quod uocatur butyrum, aut si tibi libet masculino genere appellasse butyros, decoctumq; dulcis radiculae in mellis attici liquidum crassitiem redactum; dulcis aut radicis, quam glycyrrhizam nomināt, satius est quum primum datur occasio, ut dixi, 30 ex aqua decoctū miscere sapæ ex musto præparata, quæ à nobis in Asia uocatur hepsēma; miscere dein hoc passo cretensi, & rursus coquere post misturā, siue sapæ fuerit commixtū, siue passo cretensi. Hæc igitur in dispositionibus inflammatorijs, quæ arteriam & laryngē infestant, utilia per initia sunt, quousq; inflammatio moderata extiterit, & ante omnia à uini potu per hoc tempus abstineatur. Vbi uero moderatio inflammatio reddita fuerit, passum thareum, aut scybelites, aut quod ex nostra Asia apportatur, bibere licet: præsertim caryinum, deinde thareum nominatum: post etiam dulce uinum tmolites; quo tempore butyrum accommodum est, & sorbitio ex amygdalis, quæq; ex lacte paratur & melle diutius coctis, amylo 40 iniecto; & si amydon desideretur, siligine apud Romanos dicta. Constat autē omnibus ex hac uictus ratione inflammationē quidem membranarū & musculorū qui in larynge & arteria habentur cessare, humiditatē uero copiosam relinqui, quæ claram uocem reddere nequit: digredi ergo tunc cōuenit à cibis ad ea omnia quæ ex mellecoquuntur: quinetiam ad fabaceā farinam, ptisanam, brassicam, & porra probè cocta. Medicamentorū usus idoneus est, quo tempore uel inflammatio uel asperitudo superant, eorū quæ linguæ subijciuntur, de quorū compositione tractabo: post hæc quæ magis abstergant desiccantq;: deinde his rursum ipsis magis abstergentia siccantiq;, usque dum ad ea perueniamus, quæ nonnihil acrimonie ob- 50 tinent: atq; inter hæc ipsa à moderatioribus auspiciati, ad uehementiora paulatim descendimus. Qualē igitur uictus ratio formā habitura est, antea cōprehendimus;

sicut etiam simplicium medicamentorum species. Porro composita ex ipsis medicina, multifariam alij alijs mensuris scripserunt: & quibusdam sanè abundè fuit ex tribus aut quatuor simplicibus medicamentum componere, nonnulli in maiorem numerum extenderunt. Et quidam, ut traditum est, ex mollissima lenissimaque materia compositionem arteriacarum facultatum moliti sunt: nonnulli uero secus, ex acri, calida, absterforia, et siccante admodum. Sunt qui etiam tertiam speciem, que ambarum media est, & post hos, alij inter mediam & mollissimam, alij inter acerrimam & mediam: ac ex ipsis rursus alij magis, alij minus à medijs facultate medicamentis diuersas compositiones moliti sunt. His omnibus rectè utetur solus, qui uniuscuiusque simplicis uim pernouit: ipse enim sciet & ordinem medicamenti, & quantum à medijs recedit. Scripserunt itaque qui ante Mantiam et Heraclidem fuerunt huiusmodi medicamenta: multo autem meliora commemorati uiri, uel ipsi componentes, uel ab alijs desumpta scriptis mandarunt, quæ nobis reliquere, medicatoriam artis partem augentes. Temporis autem spatio, & hæc & priora, exactè & longo usu comperta uiri delegerunt, collegeruntque, de quibus frequenter in hoc opere uerba feci. Hi uero sunt, Asclepiades, Musa, Andromachus, Heras, Crito, & Menecrates: multa uero alia medicamenta & Archigenes, & Philippus tradiderunt, ut nullius adhuc uetustioris indigeamus: hi enim, ut dixi, quæ uetustiores inuenerunt, optime omnia lieris mandarunt.

Quas Andromachus arteriacas conscripserit.

Plurimas arteriacas facultates Andromachus conscripsit, ut is qui differentiam ipsarum nosse potest, ab imbecillimis ad uehementissimas per media paulatim procedat: ipse enim Andromachus minus distincte eas tradidit, uerum ego distinctio nes apponam, in memoriam reducens ea quæ nuper prædixi. Porro quod eum qui dicta intellectu assequutus est, prius in simplicium medicamentorum opere exercitatum esse conueniat, frequenter à me expositum est: nisi enim uniuscuiusque simplicis uim exactè noscat, et distincte, haud poterit compositum nosse, ex quali congenerum ordine existat, utrum ex molissimo, an uehementissimo, uel medio, uel aliquo eorum quæ inter hæc consistunt, aut etiam ex alijs. Primam igitur facultatem arteriacam non multo post libri initium tradidit, ubi affectuum intra corpus oborientium curationem tractat in hæc uerba.

Arteriace, quator.

- » Thuris drachma una (in alio quatuor) myrrhæ drachma una (in alio quatuor)
 » croci drachma una (in alio quatuor) scyllæ drach. duæ, passi cretensis sextarii tres:
 » scilla passo incoquitur, donec in spissitudinē coeat, deinde scilla abijcitur, reliqua
 » uero insperguntur. Hoc medicamentum nisi scillam haberet, esset utique longè
 » mollissimum, in tres passi cretensis sextarios paucissimo thure, myrrha, et croco in
 » iectis, ut ferè totum ipsum sit passum cretense. Constat autem omnibus medica
 » mentum fieri, quod ad ipsos à linctū eclecton appellatur. Iam & atticè ea uocant,
 » medicinas eclectas. Post superscriptam facultatem, alteram his uerbis Androma
 » chus tradidit.

Arteriace diacodyon.

- *Forte, » Papaueris capita uiridia mille ducenta, mellis atticæ * libræ quatuor, croci cilicij
 congij. » drachmæ quatuor (secundum alios drachmæ decem) hypocystidos succi drach.
 » decem, acaciæ tantundem; aqua pluuialis papaueris capitibus immittitur. Aqua
 » igitur pluuiæ inditur, ut medicamentum putredini minus sit obnoxium: habet enim
 » hæc aqua nimirum aliquid in se astringens. Cæterum huc in proposito medicamēto
 » consiliū dirigūt, ut dispositio in arteria cōcoquatur, quod utique fiet somno & me
 » dicamētis, quæ simul cū astringente haud multa cōcoquant: itaque simplex medica
 » mentum diacodyon, ut ego facere consueui, papaueris capita sola habet aquæ indita,
 » ac ubi

ac ubi intabuerint, ipsa eiſcimus, aquam ipſorum attico mellis ſoli miſcemus: ac de inde ubi ex coctione ſpiſſitudo medicamēti quod lingi poſſit facta fuerit, utimur. Quantum uero aquæ quanto mellis miſcendum ſit in huiuſmodi medicamentorū confectionibus, poſterius exponā in eo loco ubi talem ſcripturā proponā, Arteriacæ diacodyon. Tertiā facultatē poſt prædictas hanc conſcripſit Andromachus.

Arteriacæ Blaſti, qua uitor ad eos qui phthiſi laborant, admodum bona.

Nardi gallicæ drachmas quatuor, amomi drachmas octo, cinamomi drachmas decem, malabathri drachmas quatuor, nardi indicæ drachmas tres, iunci odorati floris drachmas duas, calicæ drachmas octo, thuris drachmas tres, myrrhæ drach. unam, coſti drachmas quatuor, magmatis malabathri drachmas ſex: palmulas in muſſo aut paſſo incoquens, deinde nucleorum pini uiginti in decoctum in iſce, & diſſoluito, deinde medicamēto hoc nucis auellanæ aut paulò minoris inſtar ad aliquos dies utitor, deinde mitiori medicamento: ruruſum poſt duos tres uel dies, utitor ex aloë hiera cochlearis magnitudine cum aqua ad diem unum: utere autem medicamento, & cum lacte in arteriæ affectibus gargarizare iubens, & ruruſum interiecto ſpatio utere medicamento dolorem arcenti, inſtar fabæ ægyptiæ. Cum autem ualida fuerit deſluxio, adiſcimus antidoto opium & caſtorium, modicum utriuſque: in iſis quæ ſtomachum offendunt, ipſo medicamēto. Notum autem eſt ex ipſo uſu, quæ ſcripſerit Andromachus in iſis qui deſluxum in thoracem, pulmonē & arteriam experiuntur, cum ſuperiorē medicinā idoneè compoſuerit: dixit enim ipſe, cum ualida fuerit deſluxio, admiſcemus antidoto opium & caſtorium, modicum utriuſque, nimirum ſiccare deſluxum & ſanum reddere cupientes: uarium enim eſt, & multæ miſturæ, ut ad omnes conueniat diſpoſitiones, quæ et diuturnæ, & malignæ ſunt, & curatu difficiles: & ſi ulcus aliquod ſit circa arteriam aut laryngem, et potiſſimum circa pulmonem: nam huiuſmodi ualidis ſanè medicamētis indigent, ut diutius ſufficere poſſint qui tabidam experiuntur diſpoſitionē. Cum enim occupauerint locum ſiccum, & uictus ratione conuenienti & medicamentis utentes, diutius reſiſtunt, conſueta munia mediocriter obeūtes: ipſam enim facultatem non cenſeo admiſcendam iſis quæ proprie uocantur arteriacæ. Quartum poſt prædicta Andromachus conſcripſit medicamentum in hæc uerba. *Aliud eiufdem.* Dicit autem nimirum Blaſti, de quo in ſuperiori arteriacæ ſcripſerat, Arteriacæ Blaſti qua uitor: compoſitionē uero eius huiuſmodi facit: Aloës uncias duas, croci unciam unam, maſtiche tantundem. Conſtat autem omnibus medicamentū hoc eſſe ex iſis quæ ab alio ſubducenda eccoprotica dicuntur, necnon cōcoquens quidam croci nomine habere. Cum autem dico cōcoquens, intelligere oportet diſpoſitionis, cuius gratia admouetur. Quintum poſt ſupra cōmemorata Andromachus tradidit medicamentum hoc. *Dolorem arcens eiufdem.* Opij uncias tres, croci unciam unam, myrrhæ uncias duas, acaciæ unciam ſemis, dulcis radicule ſucci drach. quatuor: cum melle excipiuntur. Hæc ſanè Andromachus. Ego uero non admodum probo huiuſmodi medicamentorū compoſitionem, niſi diſpoſitio indicetur, in qua ipſis utendum ſit. Nouimus enim in anodynis huc ſpectare compoſitionē, ut ſomnum conciliemus, & dolorem magnum ſtupore obtundamus. Acaciæ autem mixtura ratione ulceris eſt, quemadmodum & dulcis radicule ſuccus, ad leniendū exaſperata. Crocum uero et opium in anodynis miſcere plurimis placuit, quādoquidem uidetur ipſis omnes ſatis cōcoquere diſpoſitiones. Sextam deinceps ſcripſit Andromachus facultatem huiuſmodi. *Arteriacæ eiufdem.* Thuris unciam unam, ſucci glycyrrhizæ tantundem, myrrhæ drachmas quatuor, tragacanthæ drachmas ſex, nardi drachmam unam, amomi drachmas quatuor, croci tantundem, mellis attici quod ſatis eſt. Atque hanc conſtat componi ad eaſdem reſpirationis inſtrumentorum diſpoſitiones ex cōcoquentibus, mitigator iſis, aſtringentibus & abſter-

forijs. Etenim thus, myrrha & crocus, concoquentium dispositiones sunt: dulcis autem radiculæ succus ex his quæ lauigant asperitates, quemadmodum & tragacantha. Amomum uero ualide liccat, necnon modicè astringit. Mel autem facultatis est calefacientis & abstergentis. Septimam à prædictis tradidit Andromachus, ex multis adedò medicamentis compositam, quæ omnes ferè facultates obtinent: etenim astringentia, rodentia, extenuantia, mitigantia et lauigantia, item somnum concilians, digerens & abstergens in se continet: de quibus omnibus multæ misturæ facultatibus, communis etiam antea à me habita est disputatio, ut ex omnibus medicamentis aliquis si uolet componere hac spe, ut unum medicamentum ad omnes congeneres dispositiones faciat, ex ipsis nonnulla quidem per experientiam inuenta sunt praua, eoque reprobata: nonnulla quidem prosperum successum habuerunt, prout autor eorum euenire sperauerat. Caterum scripsit Andromachus compositionem ipsius, non adedò id facere solitus. Quod autem ex medicamentis uarias facultates, quas dixi, habentibus componitur, fatius est meminisse eos qui hos libros legunt: si autem promptam non habuerint memoriam, saltem eo ipso tempore in quo eiusmodi medicamenta discunt, legant diligenter sextum, septimum & octauum de simplicium medicamentorum facultate. In illis enim omnem medicamentorum materiam conscripsi, quæ sunt radices, folia, flores, semina, fructus, liquores, & succi eorum quæ ex terra nascuntur, aut stirpium omnium. Cum igitur hæc audieris, aduerte iam mentem ijs quæ Andromachus de hoc medicamento conscripserit.

Arteriace qua uitor.

» Piperis radices quammaxime proceræ eluuntur, donec admodum puræ reddantur, & terrenum dimiserint; deinde refrigerantur ad diem unum, & inciduntur ad tres digitos, cōminuunturque ex eis libræ decem, iniiciuntur in ollam recentē, & dulcis aquæ sextarii decem, coquunturque ad sextarios quinque, exprimunturque, atque liquor in duplex uas mittitur: aromata autem integra. Nardi indicæ drachmæ quatuor, cinamomi drachmæ sex, dulcis radiculæ tantundem, casia, rheu pontici, singulorum drachmæ quatuor, balauftij drachmæ sex, rosarum siccarum drachmæ quatuor (alij uero drachmæ sex) hæc coquuntur similiter ad dimidias, deinde exprimuntur, adijciunturque decocto, mellis atticij sextarius unus: ubi coctum fuerit, & in spissitudinem redactum, seorsim in duplici uase donec manus non inquinat, adijciuntur terebinthina pellucidæ drachmæ tres, galbani drachmæ duæ, croci drachmæ quinque, alterci succi, hypocystidos succi, singulorum drachma una, succi mandragoræ oboli tres, piperis albi drachmæ octo. Octauum post commemorata conscripsit medicamentum, eius facultatis summam indicans, quod oportuit in omnibus ipsum fecisse: habet autem sic ad uerbum.

Arteriace laudata ad humores in thorace collectos, expurgat & leuigat.

» Erysimi torrefacti drachma una; in quibusdam uero exemplaribus lomēti scriptum est: ambo abstergentis sunt facultatis, lini seminis torrefacti drach. uiginti: & hoc abstergentis est facultatis, nuclei pini drachmæ octo: hoc nimirum leuigat, uua passæ acinis exemptis drachmæ quatuor: & hæc eo quod non nihil astringit, ac simul alimentum utile est corpori, congruè mixta est: habet autem & dulcem facultatem, quam in quarto de simplicium medicamentorum diximus, croci oboli duo. Minimum nimirum adiecit croci autor medicamenti, ut ferè nihil relatione aliorum esse uideatur: diximus autem crocum concoctoria esse facultatis, necnon astringere. Iam uero docui astringentia contrahere, stringere & corroborare corpora. Adiecit præterea hemina mellis quartam partem, abstinens à dulci uino & sapa: purgare enim humores uult, qui in thorace relidēt, medicamentum, quod præparat quemadmodum prædictum est. In huiusmodi uero medicamentis, educationem crassiorum humorum uetat:

uetat: admiscuit autem his tragacanthæ drachmas quatuor, medicamenti exasperata læuigātis. Iam uero ante docui uelle ipsum propositum medicamentū, ea quæ circa thoracem sunt purgare & læuigare. Scopus enim in huiusmodi est, ut ea quæ in thorace hærescunt, extenuent, expurgent, & ad educationem idonea reddant: doloris autem sopiendi gratia, ut particulas exasperatas non aded afficiāt, læuigantia apponunt. Maximum uero hoc est, & in omnibus meminisse oportet eius, quod unum sæpe scopum habent, propter quem medicamentū componunt: ne autem aliquo modo ipsum molestum sit, ambo miscentur, primū scopum auxiliij habentia. Nonam arteriacen ab his tradidit Andromachus in hæc uerba. *Arteriace Marini.*

10 Croci uncia una, gummi uncia duæ, tragacanthæ uncia una, mellis atticici sextarius unus: coquito usq; dum ab igne sublato manus non inquinat. Hoc medicamentum medium facultate est: esset autem exacte mitigatorium, et doloribus arcendis idoneum, nisi crocum & mellis sextarium haberet: sed eius loco uinum thæreū, aut creticum, aut quod ex musto cocto componitur, quod nos, ut dixi, uocamus hepsema, id est, sapam immittimus. Adiecta sunt in oratione, ad prædicta intempestiue fortiora medicamenta, quæ & purulentis & his qui tabe uexentur, cōueniunt. Decimam ordine postea scribens, adducit inter exacte mitigatoriū & medium, qualē esse dixi modo comprehensam: ex gummi enim, passio cretico & aqua composuit, miscens melli, gummi quidem iniiciens uncias octo, passii sextariū unū, mellis uero 20 libra unam: gummi aqua lauare iubens, non adiiciens quantū: itaq; propter gummi, passum, & aquā, planè nihil habet absterforium: propter mel uero, à maxime mitigatorio & læuigante recessit: nouimus enim mel astrictorium esse. Coqui autē ipsum oportere super carbones dixit, hoc est, super lentum ignem fumi expertem: recte quidem fecisset si in omnibus arteriacis hoc adscripsisset. Ego autē sic ipsum præparo, neq; super carbones adhuc ardentes cōcoctionem molior, ne fumosum & acre quod ab ipsis sursum fertur, medicamento acrimonias non necessarias insinuet: mellis enim acrimoniam sustinemus, et si etiam ipsa non sit uehemens, propter alium ipsius usum: fumi uero nullus usus, eoq; uitari ipse debet, quantum poterit, in omnibus huiusmodi medicamentis. Præstaret autem etiam in emplastice omnibus uti aridis lignis. Vndecimū medicamentum hoc pacto tradidit. *Arteriace alia bona.* Cinamomi, thuris, succi dulcis radiculæ, singulorum uncia una, myrrhæ drachmæ quatuor, tragacanthæ drachmæ sex, nardi indicæ drachmæ quatuor 30 amomi totidem, croci drachma una: melle attico excipiuntur. Verè dixit bonam esse arteriacen hanc: sed deest sermoni ad quasnam dispositiones ipsam bonam esse pronunciet: quippe traditū est in initio, ex clamore & destillatione arteriā affici, & eo quod ulcus habeat, aut inflammationem in scirrhum indurescentem. Cuius autē nunc compositionem Andromachus tradidit, etiam ad eos qui tabe laborant, idoneum est medicamentum, & omnes summam inueteratas thoracis & pulmonis dispositiones. Nam cinamomi natura cum sit tenuis & siccatoria, dispositionibus etiam scirrhi induratis mederi solet: post id amomi facultas est, quæ non nihil etiā astrictorium obtinet. Porrò ob horum actionem, cum sit uehemens, bona ratione mixta sunt thus, dulcis radiculæ succus, & tragacanthum, medicamenta quæ exasperata lenire possunt. De croco & myrrha subinde diximus, quod huiusmodi dispositiones concoquāt, & mediocriter siccet. Duodecimā arteriacen Andromachus in hunc modum scripsit.

Alia ex commentarijs Galli, ad arteriæ affectus, ulcera pulmonis, puris educationes, & sanguinis, destillationes in thoracem: item ad ea quæ egre educi possunt, plurimum ualet.

Resinæ terebinthinæ drachmæ quatuor, croci cilicij drachmæ quatuor, thuris tantundem, myrrhæ troglodytidis drach. quatuor, cinamomi drach. iij. amomi

» drachmæ tres, pini nuclei drachmæ quatuor, dulcis radiculae exenteratae drachmæ
 » quatuor, nardi syriacæ drachmæ duæ semis, casia nigrae drachmæ duæ, tragacanthi
 » drachmæ tres, palmularum syriacarum carnis drachmæ tres, terræ famiæ drachmæ
 » quatuor, galbani puri oboli tres, costi drachmæ quatuor (in alio drachma una) mel
 » lis attici heminae quatuor: coquitur in uase duplici mel & resina: ubi uero in spissi-
 » tudinem coeperint coalescere, galbanum miscetur, usque dum manus non inquinat,
 » deinde refrigerato laeuia reliqua misceto, atque sic utitor. Recte fecit in hoc medica-
 » mento, qui & contra quos affectus conueniat, & quomodo ipsum preparare oportet
 » scripserit: methodus autem compositionis ex superioribus manifesta est. De-
 » cimamtertiam arteriacen Andromachus in hæc uerba tradidit. *Arteriace Galli.* Hæc
 » etiã antidotus ad eadem efficax est. Nardi syriacæ, myrrhæ, croci, singulorum drach.
 » quatuor, costi drach. quatuor (alij drach. una) piperis albi grana triginta, dulcis ra-
 » diculae drachma una, nuclei pini centum, styracis drach. una, tragacanthæ, cinamomi,
 » amomi, singulorum drachma una, thuris drachma una, oboli quatuor, casia fistulæ
 » drachma una, balaustrij drach. tres, oboli tres, mellis attici, aut passii cretensis hemi-
 » næ duæ: passum in duplici uase coquito, usque dum mellis accipiat spissitudinem,
 » deinde sic laeuia siccis superfundito: tragacanthum, styrax postridie abunde in pas-
 » so maceretur, atque hoc pacto reliquis misceto, deinde in pyxide argentea aut plum-
 » bea sic reponantur. Recte quidem fecit, qui ascripserit ad quid ualeat, & compo-
 » sitionem ipsius: eoquod ego omnes arteriacas ab eo conscriptas tradidi, ut nullus alio
 » scriptore opus habeat: omnis enim species in ipsis est, & mollium, & fortium, &
 » in mediorum. Decimaquarta arteriace est, de qua hoc pacto scripsit. *Arteriace uehe-
 » mens Moschionis.* Est autem ipsius facultas supra medias non modicum egressa ad for-
 » tiores: habet enim uim incidentem, extenuantemque, et calida multa medicamenta,
 » quibus miscuit & quædam mitigatoria, quorum causam dixi. Compositio autem
 » ipsius est huiusmodi: Minij lemnij, thuris, myrrhæ, nardi, amomi, casia rufa, cro-
 » ci, iridis illyricæ, iunci odorati floris, singulorum drachmæ duæ, cinamomi, resinae
 » terebinthinæ, rosarum floris, singulorum drachmæ quatuor, opobalsami drachma
 » duæ, mellis hemina una, aut passæ cretensis heminae dimidia quarta pars: liquorẽ
 » & resinam coquito, donec rufum acceperint colorem, deinde ablatis ab igne reli-
 » qua adijcito, & conterens dato ijs qui thoracis & arteriæ affectibus laborant fabæ
 » græcicæ instar cum aquæ heminae quarta parte: reliquis uero linctu exhibeto.
 » Decimumquintum medicamentum in hunc modum conscripsit.

*Arteriace ad asperitates gutturis, & uocis abscissionem, & agrè glutinosare ije-
 cientes, qua utor, ex scriptis Apollonij & Alcimonis.*

» Tragacanthæ gummi, singulorum drachmæ sex, thuris drach. una obolus unus,
 » myrrhæ drachma una oboli duo, croci tantundem, glycyrrhizæ succi drachma una
 » oboli tres, aut radicis drachma una semis, piperis albi grana uiginti quinque, glan-
 » dium palmæ pinguium carnis drachmæ tres (nonnulli uero palmulas sex aut tres
 » ponunt) tragacanthum passo macerans laeuigansque excipito, reliqua uero laeuiga,
 » & catapotia fingens fabæ magnitudine, iube sub lingua continere. Huiusmodi fa-
 » cultates medici, eo quod sub lingua contineantur, hypoglotides uocant, iubentque
 » medicamento dissoluto, id quod defluit, sensim in laryngem excipere, resistentes, li-
 » tussis urgeat. Decimasextam compositionem ad uerbum ita tradidit.

*Arteriace linctu idonea ad omnes affectus internos, potissimum uero ad phthisicos, purulentos,
 & ad hydropas incipientes, tussesque, ueteres, exhibita per diem &
 noctem cochlearis magnitudine.*

» Scillæ succi sextarij quatuor, passii cretici sextarij tres, uini falerni sextarij octo,
 » mellis attici sextarij tres, myrrhæ unciæ quatuor, croci unciæ duæ, thuris tantundem,
 » aristolochiæ dactylidis mina una semis, glycyrrhizæ mina una, eryngij radicis
 unciæ

uncie duæ, casie uncia una, nardi gallicæ uncia una, xylobalsami uncie octo: ari-
 stolochiam, eryngium, glycyrrhizam, xylobalsamū, & casiam, nardumq; & iun-
 cum odoratum, contusa crassius, sextarijs octo uini macerato per tres dies, deinde
 in lento igni ad tertias decoquito, & sic expressis et fordibus abiectis, passum, mel,
 & scille succum adijcito, coquitoq; usque dum mellis accipiant spissitudinē. Crocū
 uero, thus & myrrham deinceps læuiga cum uino, atque ubi bene se habuerit me-
 dicamentū addito: & ubi modice liquefeceris, ab igne remoueto, atq; sic reponens
 utitor. Recte fecit Andromachus, qui ad quid ualeat, & compositionem medica-
 menti ascripsit. Decimaseptima facultas ab ipso tradita huiusmodi est.

Arteriace alia Euclidis Palantini.

Scillæ succi sextarij tres, passi cretici sextarij tres, uini falerni tantundem, mellis
 attici hemina una, croci uncie tres (aliq; uero uncie duæ) myrrhæ uncie tres, traga-
 canthi uncia una, dulcis radiculæ succi uncie duæ, thuris uncia una, opobalsami
 uncia semis: preparato ac utitor. In hac cōpositione, neq; ad quid ualeat, neq; præ-
 parationem ascripsit, ceu qui legat, sententiam ipsius iam possit intelligere. Cum
 enim dicit alia arteriace, similia superiori ipsam promittere nobis cogitandū: com-
 positio autem ex prius dictis colligenda est. Decimamoctauam compositionē
 hoc modo tradidit: Arteriace ex scriptis Perigenis, ad omnes arterie dispositiones:
 Croci drachma una, uua passæ acinis exemptis drachma una, amygdalarum dra-
 chmæ octo, myrrhæ oboli quatuor, tragacanthi drach. quatuor, piperis albi oboli
 tres: mel coctum, & uua passa frigentur, amygdala excoquantur, tragacanthum
 uero in aqua maceratur, læuigaturq; diem unum, atque sic miscentur unā. Et in
 hac recte fecit, quod ad quid utile sit medicamentum, & compositionem eius ascri-
 bat. Ceterum facultatis est mediæ, quare & ad omnia ipsum utile esse dicit: huius-
 modi namq; medicamentorum natura existit, unde et ipsis medijs facul-
 tatibus propriè & principaliter conuenit: ijs autem quæ mollia aut fortia requirūt
 medicamenta, nullum neq; bonum, neq; malum magnum conciliat. Postremam
 omnium arteriacen in hunc modum conscripsit: Nulli ueteris sextarij tres: coqui-
 to ad tertias, deinde nucleorum pini torrefactorum adijcito heminam, piperis al-
 bi uncias duas, & utitor. Effet utiq; hoc medicamentum mollissimum, nisi piperis
 albi accepisset aliquid. Hoc enim assumpto, ad mediōrū facultatē peruenit, quare
 etiam cum id congenerum supra scripto putaret, subscripsit.

Arteriace quatuor numero à Critone prodite.

Iam & arteriacarum à Critone proditarum, quatuor numero meminisse conue-
 nit. Scribit itaq; de prima ad uerbum hoc pacto. Ad uoces abscisas exercitij uitio:
 Ficus & eryngium coquito probè, decoctioni adde gummi, ut fiat melle spissius,
 & da sub noctem bibere. Bene facit & ammoniacum, eoq; facultatis eius mentio-
 nem feci, quoniam per initia prædictum medicamentum si ex eryngio præpare-
 tur, idoneum est: ammoniacum uero in diuturnis utile est, cum ualidum existat
 medicamentum. Male itaq; fecit Crito, qui indistincte ualidissimum cum medio-
 cri simul conscripserit: si enim in duri usum ipsum permutaueris, non solum homi-
 nem non iuabis, sed etiam lædes. Alteram arteriacen tradidit Crito, mediam fa-
 cultate, digerentem & rosionis expertem, in hæc uerba. Alia, confert potissimum
 ad uocem oblaesam, asperam arteriam, tussis irritationes, dolores aurium, ulcera in
 auribus & testiculis, item & distillationes concoquit. Thuris oboli quatuor, myr-
 rhæ drachmæ duæ, passi cyathi tres: passum usq; dum mellis acceperit crassitiē in-
 coquito, deinde myrrham thusq; adijcito, & cum passo semicocto ab ipso exem-
 pto, probè facit dysentericis & cœliacis: quidam croci drachmam unam miscent,
 utiq; medicamentum ad aures & oculorum inflammationes idoneum. Hac sanè
 & manifestè & recte conscripsit Crito. Me uero expositionem huiusmodi medi-

camentorum adiicere non oportet, cum subinde eorum mentionem fecerim: reli-
 quas uero duas per similes prædictæ, sed moderatiores facultate & simplicissimas,
 » in hæc uerba scripsit: Linctus Faustianum dictus. Vini falerni sextarius unus,
 » mellis atticæ libra una; coquito in duplici uase, rutæ ramis circumagens. Alterum
 » medicamentorum hoc pacto habet: Linctus ex uino scybelite, quo utor. Vini scy
 » belitis sextarius unus, gummi uncia tres, mellis uncia nouem: coquito in duplici
 » uase gummi, quod prius maceraueris, læuigauerisque. Sic quidem inibi adiecit
 solum hoc, in duplici uase. Optime autem quis omnes arteriacas componit, quæ
 uim mitigandi, digerendi, & leniendi promittunt, si in diplomate, hoc est, in du-
 plici uase coquantur, quemadmodum unguentarij dum eiusmodi medicamenta
 conficiunt, in magno aliquo lebetes aqua calida infusa, alterum uas collocat, quod
 medicamentum in se coquendum contineat: deinde carbonibus aut lignis peru-
 rtis aridis coquunt.

Diacodyon secundum ueteres.

Et in huius compositione indistincta ueterum fuit discordia: quidam enim ipso-
 rum in centum uiginti papauerum capita aquæ sextarios uiginti immittere præ-
 cipiant, ut uniuscuiusque sextarij mensura habeat sex capitum misturam: nonnulli
 autem octoginta sextarijs, octingenta papauerum capita iniiciunt, ut singuli sexta-
 rij capita decem accipiant. Quidam uero sic, ut sextarius octo capita recipiat: non
 nulli in sextarios tres, haud scio quomodo, octoginta papauerum capita immittunt: 10
 quidam uero centum & uiginti, sextarijs tribus aquæ iniiciunt: mihi quidem ap-
 paret paucam admodum aquam in tot capita papauerum iniectam esse.

Diacodyon Andromachi.

Andromachus igitur ut in arteriacis superius traditum est, secundam præpa-
 » rans, hoc pacto conscripsit: Capita uiridia mille duceta; deinde in fine addidit aquam
 pluuialem, non adijciens quantum.

Diacodyon, ut Crito.

» Crito in hæc uerba tradidit. Diacodyon Lite: papauerum syluestrium capita octin-
 » genta, aquæ sextarios octoginta: decoquito ad tertias, & exprimens mellis libras
 » decem adijcito: sin autem uariam ipsam uelis efficere, adijcito croci, myrrhæ, hypo-
 » cytidis succi, singulorum drachmas duodecim, thuris drachmas sex, acaciæ dra-
 » chmas duodecim. Recte quidem mihi uidetur singulis sextarijs capita decem adij-
 cere: sic enim accidit, ut cum ille sic scripserit, octingenta capita sextarijs octoginta
 immittantur. Ego uero & hoc pacto præparo, neque crocum, neque myrrham, neque
 aliud quippiam addens: optimum enim est simplicissimum.

Diacodyon Heræ.

Heras sanè centum uiginti capitibus, aque pluuialis sextarios tres superfundit,
 omnino exiguam mensuram: etsi in quibusdam exemplaribus non numerus ca-
 pitum centum & uiginti, sed drachmarum scriptum sit. Ascribam itaque totam
 » ipsius seriem, quæ in hæc uerba sonat: Capita papaueris uiridia centum & uiginti
 » in uas fictile conijcito, cum aquæ pluuialis sextarijs tribus, ac finito macerari ad
 » dies tres, deinde ad tertias decoquito, postea ab igne remouens exprimito, & ubi
 » percolaueris, adijcito mellis sextarium unum, coquitoque in duplici uase: ubi uero
 » in spissitudinem coierit medicamentum, adijcito acaciæ rufæ, succi hypocytidis, sin-
 » gulorum drachmam unam. Cum uero papauerum capita in aqua decoquis, croci
 » drachmam unam in linteolum indito, & finito unam coqui. Sunt qui myrrhæ dra-
 » chmam unam adijciant, & in læuorem ex modico passo redigant: coquunt autem
 » usque dum aliquo modo inspissescat. Quod si medicatam ipsam uoles reddere,
 » cum decocto capitum ubi ad tertias peruenerit, mel incoquito, reliqua uero non
 » coniungens.

Diacodyon

Diacodyon Damocratis.

Præparatum est hoc medicamentum à Themifone primo, ait Damocrates, scribens hunc in modum in libro cui titulum fecit, Damocratis Philiatræ. Nouimus autem uersibus conscriptum esse. Caterum dicit hoc medicamentum primum à Themifone præparatum fuisse ad tusses humidas, arteriæ pharyngisq; labores. Bene facit ad species defluxionum uniuersim omnium quæ circa thoracem sunt; Item ad uigilias, quorum illæ sunt causæ.

Meconis, quod agriculatores appellitant
Syluaticum papauer, neq; enim feritur,
Capita uiridia adhuc, quæ uocant codyas,
Rubens habentia semen, non adhuc nigrum,
Ter quadraginta iustæ magnitudinis,
Ollæ recentis lati q; oris indito,
Et pluuiæ affulis sextarijs
Ternis aquæ, macera noctem atq; unum diem.
Deinde ut igne leni multum coxeris,
Aquam exprimito totam ex ipsis in fictile,
Ternisq; mellis attici additis libris,
Rursus coquito igne leniori, usq; attici
Mellis non liquidæ spissitudinem indicet.
Refrigeratum uitreo uase reponito.

Nos sic quidem, uerum Themifon addidit,
Exorsus uti, myrrham, atq; acaciæ, crocum,
Hypocystidos succum: sed nunc non inditur,
Nam simplicior plus multo conducit, satisq;
Est blanda. mystri mensura parua datur,
In noctem aliquando, minus interim die.
In ore continere paululum iube,
Ut liquefcat: deinde hanc sensim deuoret.
At si uoles ut aluum sistat fluidam,
Fluxus in stomachum pulmonemq; sanguinis
Eruptionem ex partibus septum supra
Transuersum politis, eupatoriæ, aut ponticæ
Quod satius est, rhus succi ceu drachmas duas,
Tot acaciæ bonæ & nouæ denarios.
At cum feres medicamen, addito
Passo super hæc duo medicamina iungito,
In fictile paulatim feruentibus simul
Inferuefacta: post frigida reponito.

Diacodyon ut Soranus.

Soranus uero ipsum in hunc modum confici præcipit. Papauerum capita centum quinquaginta, cum aquæ sextarijs uiginti in lebetem nouum conijcito, coquitoq; ad dimidias, deinde ubi extraxeris capita, mellis sextarium unum adijcito, & ubi in linteolo illigaueris, myrrhæ, croci, hypocystidos, acaciæ succi singulorū drachmam unam obolos tres, in lebetem suspendas, ut simul cum melle incoquantur: cum uero ad consistentiam peruenerint, ligaculum tollito, et in pilam demissa terito ex dulcis uini cyathis tribus, deinde in lebetem coniecta, molliter incoquas donec spissitudinem acceperint. Mitius enim est quod ex solo melle & diluto capit papauerum constat: efficacius efficitur, si in linteoli deligatura melilotum loco astringentium, & glycyrrhizæ radicem acceperit.

Diacodyon Galeni.

Vt ego medicamentum diacodyon conficio, ita utendum censeo. Quippe experto mihi prædicta medicamenta, præstantior esse compositio uideretur, in qua capita decem in sextarium unum coniiciuntur, quemadmodum Crito memorie prodidit: aut in sextarios duos capita quindecim, utpote Soranus fecit. In medio autem horum limitum sublestit confectio eorum qui octo uel nouem capita papaue rum immittunt. Caterum macero ea non per triduum, quemadmodum Heras: sed neque mox exempta coquo: uerum si humidiora mollioraque fuerint, ad diem unum, ita ut intelligatur in huiusmodi omnibus dictionibus & nox, quemadmodum & homines annum, tercentum sexagintaquinque dies habere dicunt. Quod si duriora siccioraque exiierint, diutius uno die ipsa macero: præstaret autem dura non accipere. Porro constat molliora reijcienda esse: sicciora enim modicum succi habent, humidiora uero multum quidem, sed crudum, præterea aquosum inualidumque: quare etiam quæ ex humidis & paludinosi locis capiuntur, repudianda sunt. Quem autem numerum dixi capitum iniici oportere secundum proportionem aquæ, de medijs intelligere conuenit: quædam enim grandiora sunt moderatis, quædam item minora, quædam media, quemadmodum consueuit ut plurimum fieri. Omnium deinceps prædictum numerum sextario iniicias. Finis concoctionis tibi sit, non tertiam aut quartam, aut omnino talem aliquam aquæ partem relinqui, sed cum primum intabuerint: uolumus siquidem ipsorum succum exprimere: id quod abunde fiet, ubi omnino intabuerint: superfluum enim est amplius incoquere. Miscendam autem huic censeo mellis atticæ mensuram dimidiam, incoquendumque medicamen supra ignem sumi expertem, usque ad mellis atticæ consistentiam. Nonnulli in aqua pluuiali capitum concoctionem moluntur, eo quod non in aliam qualitatem putridam permutetur. Tibi abunde sit & fontana, cum pluuialis desit: sufficit autem ipsam puram & synceram esse ab omni permixtione. Quapropter etiam quæ per plumbeos canales deriuatur, fugienda est: feces enim aliquæ plumbi in ipsa resident. Unde & qui sedimentum ipsius biberint, dysenterici efficiuntur.

De usu medicamenti diacodyon.

Ufus eius est in his qui somno indigent, quibus & subinde dare cogimur quæ ex opio constant. Cõueniunt autem potissimum huiusmodi medicamenta his, quibus à capite in asperam arteriam facilis est defluxus, non permittens dormire, propter tussiles subsequentes: in huiusmodi ego concoctionem ex sapa moliri consueui. Dictum à me est antea, hepsēma uocari mustum coctum, quod & à nonnullis medicis siraum, à Latinis sapa appellatur. Caterum satis huiusmodi cocta sunt, cum aqua ad dimidias peruenit, aut in uino dulci: satius autem est uino thæreo cretensi, quam cum melle incoqui, quando fluxio admodum tenuis extiterit: constat enim mel extenuantis esse facultatis: fugere igitur ipsum tunc oportet, nam tenues defluxus intendit. Miscere autem huiusmodi medicamento conuenit dulcem radicula: huius penuria, succum eius qui ex Creta adfertur. Quod si copiosa ex capite in pulmonem fuerit defluxio, præstat medicamentum quod ex melle conficitur. Quem admodum enim his qui somno indigent medicamentum quod ex sapa constat utile est, sic qui spere desiderant, id quod ex melle præparatum est: itaque ei quod urget insistens, si agrotus in somnum inciderit, uel id quod ex melle, uel quod absque eo paratur, dabis medicamentum. Interim ambo misceo, huc dirigens consilium in mixtura, ut plus ex altero iniiciatur, eo quod urget postulante. Voco utgens, quod maiori auxilio opus habet. Caterum mensura mediocris sit duorum cochliariorum iustæ magnitudinis: augebis autem ipsum aut minues respiciens corporis magnitudinem cui adhibes, ætatem, tempus anni, & regionem: in omnibus enim his,

his, siquidem ad frigidius accedat, minus exhibebis; si uero ad calidius, plus. Quod etiam ad defluxionis quantitatem qualitatemque respiciens, aut plus, aut minus exhibebis, manifestum est omnibus: hoc enim in omnibus praesidijs est commune. Abunde igitur erant etiam superius comprehensae arteriatae. Verum mihi ab Asclepiade etiam prodita in secundo interiorum libro, adijcere uisum est: nonnullae siquidem eadem omnino sunt, nonnullae praedictas proxime accedunt, ut hinc quoque scripturae firmari possint; praeterea quod confectiones ipsarum, & usus, accuratius ab Asclepiade sunt prodita.

Arteriatae quas Asclepiades tradidit in secundo interiorum, quae Mnasonis inscribit.

Antonij Musae ad uocis abscissionem.

Brassicae uiridis caules purgatos mandendos exhibeto, crassiore ipsorum partem expuere adhortator, succum uero deglutire. *Alia.* Brassicae succum cum melle coctum in linctu exhibeto: hoc protinus opitulatur. *Alia.* Eryngij in aqua cocti succi heminas duas, ficuum in aqua decoctarum succi tantundem: his adijcito gummi laeuissimi drachmas octo: coquito diligenter, ut arteriatae habeat spissitudinem; ex hoc dato in linctu ijs qui somno se accommodant usque ad cyathum unum.

Alia arteriatae Charixenis: facit ad sonitus, raucedinem, uocem abscisam, & grauitatem: item

& ad abscisiones ex interuallo oborientes.

Croci drachmae duae, liquoris cyrenaeici drachma una, mellis attici cyathi sex: coquito mel, & ubi constiterit adijcito reliqua, utitorque ut praedictum est, fingens orbiculos, & dato ut sub lingua teneatur. *Alia.* Galbani drachmae sex, piperis drachma una, nitri tantundem, mellis attici cyathi sex: coquito mel & galbanum, & ubi crassitiem acceperint, reliqua adijciens utitor, ut praedictum est.

Alia Charixenis ad arteriam exulceratam.

Probè facit & declamatoribus ante certamen & post exhibita: ualet & ad oculorum dolores exterius impolita lana madente; conducit etiam internis dispositionibus linctu exhibita. Gummi, tragacanthae, singulorum drachmae sex, thuris, myrrhae, singulorum drachma una oboli tres, croci, hypocystidos, singulorum drachma una, passi scybelitis aut therai sextarii sex: macerato gummi, tragacantham, myrrham, et thus hypocystidis succo: his passi partem adijciens, cum dissoluta fuerint, diligenter tundito, & passo miscens coquito continuè circumagens: crocum autem in lebetem qui superiores ansas habeat proijciens, incoquito cum medicamento, excipiens utitor. *Alia.* Glycyrrhizae succi, tragacanthae, singulorum drachmae tres, croci, myrrhae, singulae drachmae, thuris, spicae nardi, singulorum oboli tres, passi sextarii tres: utitor.

Alia Lysij ad easdem dispositiones.

Croci, myrrhae, glycyrrhizae succi, thuris, caliae, singulorum drachma una, piperis grana uiginti quatuor, passi cretici sextarii tres, mellis attici cyathi tres: utitor.

Alia Charixenis.

Croci drachmae tres, myrrhae drach. una semis, thuris, glycyrrhizae, singulorum drachma una, passi cretici sextarii tres. Bene facit ad sonitus, gutturis raucedinem, uocem abscisam, & tonsillarum inflammationem: probè confert & declamatoribus ante et post certamen exhibita: iuuat etiam perfrigeratos. Confert & ad tusses recentes inueteratasque, sanguinem spuantes, eos qui aegre glutinosa reijciunt, & coeliacos. Vtilis est & ad spiritus grauem odorem.

Alia, hypoglossis dicta.

Facit ad arteriam exasperatam, & uocem abscisam, reliquasque dispositiones. Tragacanthae, gummi thebaici, singulorum drachmae tres, myrrhae, thuris infecti, singulorum drachma una oboli tres, croci drachma una, dulcis radiculae succi oboli tres, glandium palmulae trium caro, musti recentis, aut uini therai quantum sufficit ad ex-

» epiendum: incoquito autem usq; dum mellis habeat spissitudinē: dato fabæ ægy-
 » ptiacæ instar sub lingua cōtinendum: ubi dissoluta fuerint, deglutire iubeto. *Alia*
 » hypoglossis Dioscoridis. Croci, myrrha, tragacanthæ, glycyrrhizæ succi, singu-
 » lorum drachma una, nuclei pini combusti numero sexaginta, am ygdalarū purga-
 » tarum æquali numero: melle cocto excipito, datur nucis auellanæ instar, ut sub lin-
 » gua contineatur. *Alia Scribonij Largi hypoglossis: confert ad uocem abscisam. Dul-*
 » cis radiculæ drachmæ octo, myrrha drachmæ uigintiquatuor, terebinthinæ dra-
 » chmæ trigintaduæ, tragacanthæ drachmæ triginta octo: singula sicca seorsim tun-
 » dito, & cribello incernito: resinam in pilam coniiciens tundito, fingens arida: ubi
 » in unitatem coierint, in formulas digerito, quæ ægyptiæ fabæ magnitudinē æquent, 10
 » & in umbra liccato: cum usus poscet dato unam aut alteram sub lingua tenendā,
 » & quod liquefcit deglutendum. Oportet autem medicamentum celeriter effinge-
 » re, siquidem confestim exiccari solet: quapropter in promptu terere conuenit me-
 » dicamenta, cum in pastillos coges.

Alia aromatica mithridatis: facit ad arteriæ dispositiones, ad ulcera pulmonis, sanguinem ex-
puenies, phthisicos, purulencos, & peripneumonicos.

» Croci drachmæ duæ semis, myrrha, resinæ terebinthinæ, singulorum drachmæ
 » duæ, thuris sesquidrachma, nardi, cinamomi, casia, tragacanthæ, singulorum dra-
 » chma una, mellis attici hemina una; terebinthinam mellis incoquito, ut ualidum et
 » fibrosum reddatur, manusq; non inquinans in aquam frigidam instillatum, & ari- 20
 » dis superfundito, & ubi diligenter cōtuderis, excipito: utitor nucis auellanæ instar,
 » datoq; sub lingua tenendum, ut prædictum est.

Alia mithridatis.

» Myrrha, croci, singulorum drachmæ quatuor, nardi indicæ, resinæ terebinthi-
 » næ, singulorum drachmæ duæ, thuris, casia, cinamomi, singulorum drachma una;
 » passi cretici heminæ tres: terebinthinam mellis incoquens usq; dum spiffescat, aridis
 » superfundito, excipiens dato nucis auellanæ instar sub lingua tenendum.

Alia diapterios, id est, ex filice Andromachi aromaticæ: confert expuentibus sanguinem,
pleuriticis, phthisicis, splenicis, hepaticis, ictericis. Facit

& ad uterum & uesticam.

» Radices filicis quam crassissimæ eluuntur diligenter donec quod terrenū inest
 » recedat, deinde refrigeratur per diem unum, secanturq; in digitalem longitudinē,
 » & secundo confringimus: ex his capimus libras decem, et iniicientes in uas fictile,
 » adijcimus ipsis dulcis aquæ sextarios decem, igniq; superponentes incoquimus:
 » ubi ad dimidias peruenerit, tollimus, & in duplex uas unguentarium transfun-
 » dimus: radices uero exprimentes, abijcimus. Cæterum in aqua m coniicimus
 » crassius contusa, balaustrij drachmas sex, nardi indicæ, rosarum siccarum, singulo-
 » rum drachmas quatuor, cinamomi drachmas tres, glycyrrhizæ drachmas sex, ca-
 » sia drachmas quatuor, rheu pontici drachmas quatuor: deinde rursus igni impo-
 » nentes coquimus, & postquam ad dimidias incocta fuerint, rursus in aliud uas un- 40
 » guentarium paruum trañcimus, sicca quidem expressa abijcimus: aquæ autem
 » addimus mellis attici sextarios quatuor, & diligenter mixta igni superponimus,
 » rursus incoquentes, atque ubi instillatum medicamentum in aquam frigidam,
 » manus non cōinquinauerit, prædictis adijcimus resinæ terebinthinæ drachmas
 » tres, galbani expertis ligni tantundem. His liquefactis subscripta immittimus:
 » sunt autem hæc, croci, alterci succi, mandragoræ succi, piperis albi, hypocystidos
 » succi, singulorum drachma una. Habeto hæc omnia læuia primo filicis succo in
 » unitatem coacta, ut sordium habeant spissitudinem: percolata autem hæc & con-
 » tusa diligenter in uas uitreum uel argenteum trañcimus: datur medicamentū co-
 » chlearis instar: pouissimum autem facit ad eos qui uocis abscisionem experiuntur.

Alia

Alia panacia mihridatis, de clamatoribus ante certamen & postea utilis.

Bene facit ad tonsillarum inflammationes, uiam relaxatam, gingiuas humen-
tes, orisq; nomas & mobiles dentes. Confert etiam ad distillationes, tusses diutur-
nas recentesq;, item ad sanguinem spuentes, & eos qui glutinosa difficulter reijci-
unt. Vtor autem medicamento interdum puro, interdum dissoluto passo aut ui-
no scybelite, uel aqua calida: ad inflammationes enim tonsillarum, & huiusmodi
dispositiones, utendum medicamento diluto: ad alias uero dispositiones, mero.
Cuius hæc est confectio: Papaueris syluestris capita numero centum quinquaginta, filicis elotæ libræ tres, consolidæ purgatæ, corticis mandragoræ, rheu ponti-
ci, rosarum siccarum, iridis chalcidonicæ, glycyrrhizæ ponticæ, balaustij, singulo-
rum unciæ tres, cinamomi drachmæ duæ, nardi gallicæ sesquidrachma, aquæ plu-
uialis sextarij quindecim: prædicta crassius inciduntur, & macerantur in duplici
unguentario uase per dies tres: postridie incoquito ad tertias, deinde in pilam con-
ijcetes succum exprimemus in alterum unguentarium uas, cocta uero abijcie-
mus: expressi autem succi excipientes quantum conuenit, dissoluimus subscriptas
confectiones. Sunt hæc eiusmodi: Gummi, tragacanthæ albæ, singulorum libra una,
in yrrhæ, succi glycyrrhizæ, hypocyfidos succi, singulorū unciæ duæ, croci, masti-
ches, singulorū unciæ una. His dissolutis, læuigamus diligenter paulatim, adijcien-
tes expressum succum: deinde utimur ad medicamenti confectionem uino scybe-
lite, aut theræo, aut pramnio. Sin autem sextarij uigintiquatuor, & passum in uas
fictile inijcimus: ubi mellis habuerit spissitudinem, ea quæ dissoluta sunt, & contri-
ta medicamenta adijcimus, rursusq; incoquimus usque ad consistentiam, deinde
excipientes uase uitreo aut argenteo, utimur ut prædictum est.

*Alia ad distillationes, ad omnesq; tussis affectus, Asclepiades in primo interiorum ita scri-
ptum reliquit: Ad distillationes medicamen quo Comon philo-
sophus usus est: iuuat statim.*

Pyrethri, costi, singulorum drachmæ duæ, piperis albi drachma una: trita incre-
taq; reponito, ubi usus exigit, naribus applicari iubeto medicamentum, ut attraha-
tur. *Alia.* Piperis albi drachma una, urticæ seminis tantundem, costi, myrrhæ, cro-
ci, singulorum oboli tres: præparato, & utitor ut prædictum est.

*Alia, dolorem statim sedans, Antonij Muse. Bene facit ad distillationes,
& uocis abscisionem.*

Opij, myrrhæ, alterci seminis, singulorum drachmæ duæ: singula macerato ci-
cutæ decocto, & ubi diligenter læuigaueris, miscuerisq;, fingito catapotia erui ma-
gnitudine, & dato bina dormituro.

Alia: confert sanguinem expuentibus.

Alterci albi seminis drachmæ octo, nardi indicæ drachmæ sex, croci drachmæ
quatuor, opij, amyli, anisi, singulorum drachmæ duæ, minij lemnij drachma una:
ex aqua in formulas cogito, & fac catapotia erui magnitudine; utitor secundum
prædictum modum.

Alia quæ lingitur. Facit ad tusses summas & inueteratas.

Vini falerni sextarius unus, mellis attici libra una: coquito, continuè surculis
rutæ circumagens, & dato mystrum. Bene facit & stomachicis.

Alia Petini ad ulcera profunda, & suppurationes.

Mulsi ueteris sextarius unus, axungia ueteris unciæ duæ (nonnulli uero unciæ
una) tundito diligenter ex mulso, & ubi dissolueris, in fas fictile coniecta coquito
supra carbones, rutæ surculis agitans. Vbi uero in crassitiem coierint, reponito ua-
se uitreo, datoq; lingere mystrum in modum prædictū. *Alia* Origeniæ. Glycy-
rhizæ ponticæ drach. duæ, urtici seminis torrefacti, lini seminis torrefacti, singulo-
rum drach. una, myrrhæ, croci, singulorū obolus unus, mellis attici, aquæ, utriusq;

» cyathi sex: glycyrrhizam aquæ incoquito, deinde ubi succum expresseris, reliqua
 » terito, exceptaq; melle cocto, linctu exhibeto. *Alia.* Ari tostę drach. una, ammęos
 » torrefacti, nucleorum pini torrefactorum, erysimi torrefacti, singulorū drachma
 » una: melle cocto excipiuntur.

Aliud Coptarium, tussientibus prodest.

» Lini feminis torrefacti, combusti, cribratiq; uuæ purgatæ acinis, singulorum
 » sextarius unus, nucleorum pini torrefactorum, nucum auellanarū purgatarum,
 » singulorum hemina una, piperis albi uncia duæ, myrrhæ, croci, singulorum uncia
 » una, mellis attici libræ quatuor: contundito ut par est, ubi læuigaueris, reponito.
 » Lini semen mellis incoquito: ubi in spissitudinem coctum fuerit, adijcito reliquis,
 » ac mixta rursus contundito, dato nucis auellanæ instar.

Aliud, probè facit ad affectus thoracis.

» Farinæ fabacæ quam læuissimæ torrefactæ hemina una, iridis illyricæ combu
 » stæ uncia tres, nucleorum pini torrefactorū uncia duæ, pulegij sicci combusti ses
 » quidrachma, urticæ feminis drach. una, piperis uncia semis, mellis optimi sextarij
 » duo: coquito farinam cum melle usq; ad consistentiam: habeto etiam & lini semi
 » nis combusti, torrefacti cribratiq; heminam unam, & adijcito. *Aliud ad tusses &*

*In græco est
 τὸν δὲ μᾶλλον,
 quod est spi
 ritus.*

» * sanguinis excretionem, admodum bene expurgans. Hyssopi, pulegij, singulorū
 » uncia duæ, ireos, sinapi feminis, cardamomi, singulorum uncia una, anisi, piperis,
 » singulorum uncia una: tusa incretaq; mellis discocto excipito, datur cochlearij ma
 » gni instar. Per hyemem, & si febris non adsit, piperis uncias duas sumito, & anisi
 » loco malathrum, aut cuminū, in uicem cardamomi, sinapis duplicatam portionē,

*Catapodium bechicum, ad recentes affectus, Panacia, medicamentū anodynon, id est, dolorem
 leniens, & somnum concilians: facit & sanguinem spuentibus.*

» Styrcis drachmæ octo, opij, myrrhæ, singulorum drachmæ quatuor: passo dis
 » soluta in pilulas conformato, datoq; erui magnitudine dormituris. In alijs scriptu
 » ris habetur, paria pondera.

Aliud Platoni ascriptum, mox iuuat.

» Styrcis, myrrhæ, opij, galbani, singulorum partes æquales. Passo dissolvens,
 » fingito catapota.

Aliud medicamentum quod ad Bassum autorem refertur, probatum.

» Iuuat statim, bene facit sanguinem spuentibus, & ijs qui glutinosa ægre reijci
 » unt, ac purulentis, Galbani, styrcis, iridis illyricæ, piceæ corticis, singulorum dra
 » chmæ duæ, helenij, opij, singulorum drachma una: melle cocto excipito, datoq; in
 » star erui, ex mulsa cyathis tribus.

Medicamentum diaprason, hoc est, ex marrubio, Platonis.

» Myrrhæ, styrcis, opij, marrubij succi, galbani, croci, paria pondera: præparato
 » & utitor melle discocto excipiens.

*Catapodium anodynon probatū, ad diuturnos affectus, destillationes, capitis dolores, spirandi diffi
 cultatem & peripneumoniam, item ad uesticæ & uteri dispositiones inscri
 ptum. Probata Panacia. Apud quosdam hac serie est.*

» Myrrhæ, piperis, opij, styrcis, castorei, galbani, paria pondera: passo excipiens
 » in pilulas redigito, ac utitor.

*Aliud medicamen ualde bonum, quod Harmonia inscribitur: facti ad destillationes &
 insuperabiles ex capite defluxus.*

» Styrcis, castorei, piperis, cardamomi, singulorum drachmæ tres, opij, myrrhæ,
 » alterci albi feminis, singulorum drachmæ quatuor: passo excipiens fingito catapo
 » tia fabæ ægyptiacæ magnitudinis, in noctem exhibeto. *Aliud.* Croci, sulphuris
 » ignem non experti, myrrhæ, opij, singulorum drachmæ quatuor, alterci albi semi
 » nis, cardamomi, piperis albi, singulorū drachmæ octo, mellis cocti uncia quinque,
 aut

aut quantum satis est: utendum est, ut antea exposui, in noctem.

Proxeni ad tusses inueteratas, & nimis diuturnas dispositiones humidas, Symphonis dicta.

Est & februm efficax remedium, quo usus est Antonius Musa.

Piperis albi, opij, cardamomi, singulorum drachmæ octo, croci, sulphuris igne non experti, myrrhæ, alterci albi seminis, singulorum drachmæ quatuor, mellis costi uncia sex: datur iustar nucis auellanæ, cum mulsæ cyathis tribus.

Confectiones ad tussim ab Andromacho conscriptæ in libro interiorum facultatum.

Cum Andromachus multas bechicas cōfectiones tradidisset, deinceps omnes quæ torporem conciliant, ascripsit, ac inde τὸ νοσοῦν dictæ sunt, quod somnum inducant: hæc tenues humorum fluxus incrassare solent, siccare, & refrigerare. Quapropter nonnullæ ex his non solum opium recipiunt, uerum etiã & mandragoræ succum, & radicis eius corticem, uel alterci semen: quædam uero duo uel tria aut omnia hæc continent, quemadmodum & aliæ styracem, & crocum. Bona igitur ratione his admiscuerunt reliqua, aliã quidem calefacientia, aliã uero cum modica astrictione odorifera siccantiãq;. Item & quædam consueta semina, nempe anisi, petroselini, apij, dauci, & seseleos, quæ medicamentorum insuauitatem, & uires obtundunt, urinamq; prouocant: quædam uero & asperitates læuigant, qualia sunt, tragacantha, glycyrrhiza, & dulcia uina. Quæcunq; igitur horum minus recipiunt medicamentorum soporem conciliantium, has etiam phthificis exhibemus.

Bechica ad tussim diapipeleon.

Cinamomi drachma una, liquoris papaueris tantundem, myrrhæ, piperis nigri, castorei, piperis albi, galbani, singulorum oboli tres, croci eius dimidium: formato pastillos, datoq; ex melle aut passo.

Alia ad tussim eximiè efficax, eadem ipsa & febrem finit.

Alterci seminis uncia semis (in alio exemplari, uncia una) cardamomi, liquoris papaueris, singulorum uncia una, myrrhæ, sulphuris ignem non experti, croci, singulorum uncia semis, piperis albi, ut Heras, uncia una semis, mellis atticici quod satis est.

Alia ad tussim siccam.

Styracis pars una, papaueris tantundem, croci dimidia pars: ubi simul contuderis, dato catapotia.

Compositio ad tussim Iereos, efficax, quo utor.

Liquoris papaueris drachmæ decem, lactucæ seminis drachmæ uiginti, castorei drachmæ octodecim (quidam uero sedecim ponunt) rutæ domesticæ siccae drach. quatuordecim, croci drachmæ septem (quidam unciam unam statuunt) melle excipiuntur: datur pro uirium ratione ægyptiæ fabæ instar, febricitantibus ex aqua, ijs qui febre carent, ex uino in noctem.

Catapotium ad tussim, quo utor.

Styracis, myrrhæ, opij, singulorum drachmæ quatuor, opobalsami, croci, singulorum drachmæ duæ: simul læuigans excipito, & utitor.

Confectio ad tussim siccam.

Dulcis radiculæ succi drachmæ duæ, styracis drachma una, opij, croci, myrrhæ, singulorum oboli tres: excipito dulci aqua nucis græcanicæ magnitudine, utitor.

Phthificis accommodata potio, qua utor, ex Ripali scriptis in multis utilis, Menodorios, ambrosia: item ad februm circuitus,

Nardi, croci, myrrhæ, costi, calicæ, cinamomi, iunci odorati, piperis nigri & albi, castorei, galbani, resinæ terebinthinæ, styracis, liquoris papaueris, alterci seminis, singulorū drach. una, tragacanthæ drach. sex, mellis quod satis est, uini falerni hermina una: tragacanthum uino ut conuenit macerato, & reliquū melli misceto. Datur febricitantibus ex mulsæ sesquidrachma, ijs qui febre carēt ex mellis uncia semis,

» aut aceti cochleario uno, item uini falerni cyathis duobus.

Apollonij medicamentum efficax ad multa, præsertim tussi summè facit.

» Cardamomi drachmæ octodecim, myrrhæ drachmæ duodecim, alterci tantum
» dem, opij drachmæ decem (nonnulli uero duodecim) petroselinis feminis drachmæ
» duodecim, croci drachmæ quindecim, malorum mandragoræ drachmæ decem,
» gingiberis drachmæ octo, sulphuris ignem non experti drachmæ sex, ari, thuris,
» costi, piperis albi, singulorum drachmæ sex, mellis attici quod satis est.

Aliud medicamentum ad interiores abscessus, probè purgans.

» Sagapeni, myrrhæ, singulorum drachmæ duæ, cardamomi drachmæ quatuor
» (in alijs drachma una) castorei drachma una, piperis albi oboli tres, opij drachmæ ¹⁰
» duæ: ex aqua formato pastillos, singulos pendentes obulos duos: dantur ex aqua.

Isotheos ad tussim, & phthisim, omnesq; interiores dispositiones. Bene facit

& ad februm circuitus.

» Nardi drachmæ duæ, myrrhæ drachma una, croci drachma una semis, costi dra
» chma una, piperis albi drachma una, opobalsami fecis drachmæ duæ, cinamomi
» drachmæ duæ, mandragoræ succi drachmæ duæ, castorei drachmæ duæ, dauci semi
» nis sesquidrachma, opij drachmæ duæ, amomi sesquidrachma, calix nigra sesqui
» drachma: mel coctum additur. Facit ad labores stomachi, iccinoris, pulmonis, &
» oculorum: item ad sanguinis educationes, abscessus, dysentericos, iliosos, nephriti
» cos, ischiadicos, egrè spirantes, urine difficultatem, laterum dolores, præcordiorum, ²⁰
» fluorem muliebrem, ictus: mirabile siquidem antidotū ad letalia, tum à cibo, tum
» ante cibum: nec non ad omnem sanguinis eruptionē, cum frigida ad uiperæ mor
» sus, et phalangiorum percussus ex uini cyathis tribus: quartanis hora ante accessio
» nem exhibeto obolos duos, cum ternis uini cyathis, ubi prius se lauerint.

Potio ad tusses & spirandi difficultatem: item alia multa Antipatri, quo utor.

» Styracis drachmæ sex, resinæ terebinthinæ drachmæ quatuor, opopanacis dra
» chmæ duæ, galbani drachmæ duæ, iridis illyricæ, myrrhæ, singulorum tantundem,
» alterci feminis albi oboli tres, aphonitri, piperis albi, singulorum oboli quatuor,
» opij oboli quinque. Dato quod ægyptiæ fabæ magnitudinē æquet, dormituro; non
» nulli opij ponunt drachmam, aliij obolos tres. ³⁰

Confectio ad tussim, quæ linctui exhibetur.

» Nucleorum pini drachmæ duodecim, lini feminis torrefacti drachmæ octo, tra
» gacanthæ drachmæ duodecim, carnis dactylorum drachmæ octodecim, iridis illy
» ricæ drachmæ duodecim, amygdalarum dulcium drachmæ sedecim: mel coctum
» digito dato lambendum per dies duos, manè & cœnato: in quibusdam tragacan
» thum aqua pluuiali dissoluens, coquito cum melle primum.

Catapodium bechicum ut Crispus Apoleutheros.

» Myrrhæ, piperis, galbani, castorei, styracis, croci, opij, singulorum partes aqua
» les, styracis dimidium: dato in noctem bina catapotia.

Medicamentum ad tussim Scribonij Largi,

» Apij feminis drachmæ duæ, iunci odorati floris drachma una, nardi gallicæ dra
» chma una, styracis drachma una, croci tantundem, balauftij oboli tres, liquoris pa
» paueris drachmæ quatuor, mellis quod satis est: dato cyathi mensura, ijs qui febr
» carent ex mulsa, febricitantibus ex aqua. ⁴⁰

Confectio ad tussim Aesclepiadis.

» Rheu pontici, croci cilicij, liquoris papaueris, spicæ nardi, thuris, myrrhæ, singu
» lorum drachma una, nardi gallicæ radicis unciæ duæ, styracis unciæ sex: datur cum
» mulso drachma una.

Thespiani Apollonij ad interiores abscessus.

» Apij feminis drachmæ tres, papaueris drachmæ tres, melanthij drach. tres, iridis
» illyricæ

illyricæ drachmæ septem, castorei drachmæ duæ, dauci feminis drachmæ septem, »
 sinopidis drachmæ septem: excipito melle attico cocto, datoq; quod nucis auella- »
 næ magnitudinem habeat, ex aqua. »

Catapodium exiccans: facit ad destillationes in thoracem, molaris dentis dolorem,
febrium circuitus, & scorpionum ictus.

Liquoris papaueris, alterci feminis, singulorū paria pondera. Formato ex passo »
 aut melle fabæ græcanicæ magnitudine pilulas: dato in noctem: somnū adiuuat. »

Lexopyretos, quod est, febrim finiens, Pamphili medicaminum institoris bona.

Alterci feminis uncia una, cardamomi exenterati uncia una, liquoris papau- »
 ris tantundem, sulphuris uiui uncia semis, croci uncia semis, myrrhæ tantundem, »
 10 euphorbij drachmæ duæ, costi drachmæ tres, iridis illyricæ drachmæ tres, piperis »
 albi drachmæ quatuor semis, mellis quod fatis est: utitor. »

Medicamentum bechicum accommodum, tum ad alia multa, tum ad humidam
tussim, quod deuorari possit.

Aluminis scissi drachmæ sex, opij drachmæ quatuor, galbani drachmæ sex, sty- »
 racis drachmæ quatuor: datur ciceris magnitudine dormituro. »

Lexopyretos Darij. Hoc etiam antidoto usus est ad omnia, tonsillas, tusses, & anginas.

Croci uncia una, piperis uncia quinque, myrrhæ uncia una, papaueris uncia una, »
 thuris tantundem, alterci feminis uncia una, cardamomi uncia una, costi drachmæ »
 20 quatuor, iridis illyricæ drach. tres, aristolochiæ drach. duæ: melle attico excipiunt. »

Ad omnem tussim, comprobatum.

Anisi drachma una, costi oboli tres, myrrhæ drachma una, castorei drachma »
 una, galbani drach. una, piperis albi drach. una, alterci feminis drachma una, opij »
 tantundem, glycyrrhizæ succi drachma una: passo excipito formans catapotia »
 quæ ciceris magnitudinem habeant: dato in noctem. »

Catapodium concoquens Perigenis, ad tussim & destillationes.

Styracis oboli duo, piperis grana uiginti, myrrhæ drachmæ duæ semis, alterci fe- »
 minis oboli quatuor, euphorbij drachmæ duæ, iridis illyricæ drachmæ duæ, opo- »
 panacis drachmæ duæ, croci oboli tres, opij oboli tres, resinæ terebinthinæ drach. »
 30 una, piperis albi oboli tres, galbani drachmæ duæ: læuigata excipito galbano, resi- »
 na, opio, & styraci: dato prout uires sunt. »

Apollonij confectio ad tussim, admodum bona.

Foliorum malabathri drachmæ octo, croci drachmæ sex, opobalsami drachma »
 una, spicæ nardi drachma una, rosarum siccarum tantundem, iunci odorati floris »
 drachma una, costi drach. tres, casia drachmæ tres, styracis drachmæ tres, myrrhæ »
 drachmæ tres, meu tantundem, uuæ acinis exemptis drachmæ sedecim, mandra- »
 goræ succi drachmæ sex, mellis quod fatis est. Vuam per noctem & diem macera »
 to in passo cretico, deinde ubi arida commiscueris, læuigato & mel misceto, repo- »
 nensq; utitor. »

Potio bechica ex scriptis Apollonij, facit ad fluxus muliebres.

Alterci feminis drachmæ tres, myrrhæ drachmæ tres, croci drachmæ tres, corti- »
 cis mandragoræ drachmæ tres, thuris drachmæ tres, piperis albi & nigri, singulo- »
 rum drachmæ quatuor, uiticis drachmæ tres, opij totidem, mellis & uini chij quod »
 fatis est: datur ad fabæ magnitudinem. »

Ad tussim, & incipientem phthisim, sanguinem spuantes, & distillationes.

Alterci feminis drachmæ quatuor, mandragoræ nigræ radicis drachmæ qua- »
 tuor, rheu drachmæ tres, corallij drachmæ tres, opij drachmæ tres, lycij drachmæ »
 duæ, balauftij drachmæ tres, thuris drachmæ quinque, tragacanthæ drachmæ duæ, »
 croci drachmæ tres: aqua excipito ternos obolos: dato sanguinem expuentibus ex- »
 posca, reliquis uero ex aqua. »

Potio Paracletij Abascanti ad phthisi obnoxios, qua utor abunde: ceterum ad sanguinis educationem inidonea est.

Arifstolochiæ dactylidis drachmæ uiginti, sulphuris uiui drachmæ uiginti, corticis mandragoræ drachmæ uiginti, thuris drachmæ quadraginta, gentianæ drachmæ quatuor, seseleos drachmæ triginta, opij drachmæ quadraginta, alterci albi feminis drachmæ quadraginta, myrrhæ drachmæ quadraginta, croci drach. octo, piperis albi grana centum, euphorbij drachmæ decem, baccarum lauri drachmæ septem & semis, costi tantundem, cardamomi drachmæ septem. Tusa ex uino euphorbium, & myrrham, opium ex mulso, altercum & reliqua per se misceto unâ mellis cocto. Vtitor non recenti medicamento. Pulchrè adijcit Andromachus in hoc medicamento, quod ad sanguinis educationem sit inidoneum, propter sulphur uiuum, & euphorbium, partim & baccas lauri.

Catapotium ad tussim, statim iuuans.

Iridis oboli tres, croci cilicij sesquiobolus, myrrhæ oboli duo, cinamomi oboli tres, casia tantundem, alterci albi feminis oboli duo, papaueris nigri feminis oboli duo, cicute feminis totidem: excipito pastillos ex passo, singulos obolum, aut dimidium pendentes, ac dato in hemina passi quartario.

Ad omnem tussim, & disillationem, & abscessus interiores, ut Apollonius.

Sagapeni, gentianæ, myrrhæ, opopanacis, piperis albi, singulorum drachmæ duæ, baccarum lauri purgatarum drachmæ quatuor: læuia excipito: dato ex aqua quod græcanicæ fabæ magnitudinē adæquet, ijs qui coxarum doloribus infestantur paulo amplius, in ternis uini diluti cyathis.

Ad phthisicos, quam consecutus sum à Fabiano cretensi.

Hypocystidos succi, myrrhæ, singulorū drachmæ octo, castorei drachmæ sex: thuris drachmæ octo, rhus succi drachmæ octo, sagapeni drachmæ sex, liquoris papaueris drachmæ octo, anisi drachmæ nouem, apij feminis drachmæ octo, marrubij drachma una, corticis mandragoræ drachmæ decem, piperis nigri drach. octo, piperis albi drachmæ quinque semis, uerbenacæ supinæ drachma una: mel coctum adijcitur.

Catapotium album ut Prytanis, & Apollo.

Myrrhæ, alterci feminis albi, opij, styracis, singulorū par modus: formato quantum quis deurare poterit: excipito uua, aut passo, aut palma.

Catapotium bechicum ex scriptis Perigenis.

Alterci feminis, castorei, myrrhæ, styracis, opij, singulorum paria pondera: dato fabæ instar, cum passo aut mulsa.

Catapotia ad humidam tussim ex scriptis Perigenis.

Styracis, galbani, guttæ ammoniacæ, castorei, opij, singulorum par pondus: in formulas cogito erui magnitudinis, ac dato binas.

De sanguinis educatione.

Sanguinis educationis, primum quidem periculum est, ne is immodice euacuetur: postquam uero fuerit repressus, curatio est, si quidem ad apertis uasorum commercijs eruperit, ut id quod laxatum est, claudatur: sin autem rupta uasa fuerint, ut conglutinentur, sicut etiam si exesa, ut reficiantur. Itaque quod ad apertum est adstringentibus contrahitur: quod ruptum, conglutinatur, tum his ipsis, tum ijs quæ ex mixtura ipsorum componuntur, siccantibus citra rosionem, & glutinatoria ut præditis, qualia lemnium sigillum, & terra samia existunt. Ceterū exesa reficiuntur cibus boni succi, & medicamētis carnem generantibus, quorum facultas secundo huius operis commentario exposita est. Prima igitur ratione, ex talibus componuntur medicamenta, quæ ad eruptionis sanguinis curationem conueniunt. Altera in ijs qui ex pulmone, aut thorace, aut arteria, aut faucibus sanguinem educunt

cunt, calida & partium subtilium, quæ commemoratis tribus dispositionibus, ad apertionem, rupturam, exfessionem, maxime aduersantur, prædictis debita mensura admiscentur. Cuius igitur gratia adiunguntur: nimirum ut ea in corpus deducant. Etenim astringentia & viscosa, vias ipsorum vias dum præcludunt, viam quæ eis vias præparet, requirunt. At cum uel ex stomachi, uel ex uentris regionibus, aut aliquo intestino sanguis educitur, talium mixture medicaminum usus non est. His rursus contrarium maxime est medicamentorum genus, quæ ad eum refrigerant, ut affectui soporem concilient. Ea quoque miscentur istis, quæ cruentis sputis congruunt, somnum torpidum inducentia. Vtilissima redduntur tussi perturbatis, dum frigiditate sanguinem ad vias affectum decurrentem sistunt. Hi sane scopi sunt compositionis: copia uero materiae medicamentorum, quæ iam satis experimēti dederunt, à maioribus nostris, qui medicamentorum artis parti incubuerunt, deinceps exponetur.

Quæ ab Andromacho conscripta sunt medicamenta ad sanguinis educationem.

Primum medicamentum inter ea tradidit hoc pacto.

Ad sanguinis educationem, quo ego usus sum. Acaciae drachmæ quatuor, rosarum siccarum drachmæ octo, balauitij totidem, gummi drachmæ duæ, tragacanthæ drachma una: ex aqua in pastillos cogito, qui singuli drachmam pendeant: dato ex aqua pluuiali.

Aliud Apollonij.

Alterci seminis drachmæ octo, opij drachmæ quatuor, thuris drach. octo, terræ famiæ drachmæ quatuor, amyli drachmæ duæ, terræ lemnicæ drachmæ duæ, huius penuria sinopidis drachmæ tres, corallij drachmæ quatuor, costi tantundem, balauitij floris oboli tres (alij drachmas duas ponunt) polygoni succo excipito, pastillos formans triobolares: exhibeto ex frigida: nonnulli cicuta seminis drachmas duas adijciunt.

Aliud quo utor.

Cytinorum drachmæ sex, spinæ ægyptiæ drachmæ sex, liquoris papaueris drachmæ quatuor, hypocyttidos drachmæ sex, balauitij drachmæ sex, acaciae drach. sex, lycij indici drachmæ quatuor, myrrhæ drachmæ duæ: excipito myrtorum decocto singulorum drachmam: propinato idem decoctum.

Aliud Mostasis.

Croci cilicij, myrrhæ, iridis, nardi indicæ, thuris, acaciae, singulorum uncia una, liquoris papaueris, costi, piperis, singulorum uncia semis, rosarum siccarum uncia quatuor: mel additur: datur quod fabæ ægyptiæ magnitudinem æquet.

Aliud quod defluxiones sistit. Bene facit ad interiores defluxiones tonsillarum, uuae, arteriæque exulceratae, si ex eo gargarizetur: item et sanguinis uehementem fluxum sistit ex aqua: reliquis uero ex posca nucis auellanae magnitudine datur. Conseruetur et ad eos qui sanguinem per urinam excernunt, ad muliebres fluxiones, tum potum, tum extrinsecus appositum.

Myrrhæ, nardi indicæ, cinamomi, thuris, singulorum uncia una, croci uncia semis, piperis drachmæ quatuor, acaciae succi tantundem, costi, styracis, singulorum drachmæ quatuor, iridis illyricæ, rosarum siccarum, singulorum uncia duæ: excipito melle cocto.

Aliud quod sanguinem sistit ex scriptis Galli: probè facit ad sanguinis educationem.

Croci, myrrhæ, iridis, nardi syriacæ, calicæ nigrae, rheu pontici, singulorum drachma una, styracis, piperis albi, singulorum uncia semis, rosarum siccarum uncia quinque: læuigatis adhibens mellis atticæ quod satis est, dato quod nucis auellanae magnitudinem æquet, ex cyathis tribus.

Aliud ad sanguinem spuētes ex scriptis Apollonij.

Hypocyttidos succi drachmæ duodecim, balauitij, acaciae, cytinorum, gallæ,

» singulorum drachmæ duodecim, liquoris papaueris drachmæ sex, croci drachmæ
 » sex: fingito pastillos triobolares.

Aliud, facit sanguinis sputum.

» Liquoris papaueris oboli duo, amyli oboli tres: dato ex aqua.

Aliud ad sanguinis eductionem, & omnem sanguinis eruptionem, ex aqua potum.

» Liquoris papaueris drachma una, cinamomi drachma una, castorei tantundē,
 » costi, piperis longi rotundiq; myrrhæ, singulorum oboli tres, croci obolus unus
 » semis, corallij oboli duo, balaustij drachmæ duæ, anisi drachma una, gummi tan-
 » tundem: soluta in pastillos cogito, & utitor.

Aliud ad sanguinis eductionem.

» Minij sinopici drachmæ quatuor, thuris drachmę octo, anisi drachma una, cici
 » tæ seminis drachmæ quatuor, liquoris papaueris, lapidis hæmatitis, singulorum
 » drachmæ quatuor, alterci seminis drachmæ octo, terræ famiæ drach. tres: ex aqua
 » ieiuno dato medicamentum. *Aliud.* Hypocystidis drachma una, opij oboli tres,
 » balaustij, acaciæ, singulorum drachma una: dantur ex aqua.

Alia ad sanguinis eductionem, ut Herophilus.

» Consolidæ radicis uncia tres, terræ famiæ uncia una, thuris uncię duæ, balaustij
 » uncia una, hypocystidos succi uncia una, croci oboli tres, myrrhæ drachmę duæ,
 » opij drachma una, minij lemnij uncię tres oboli tres, gummi drachma una: excipi-
 » to succo polygoni aut plantaginis.

Aliud ad sanguinem expuentes Agathi Catheti.

» Balaustij drachmæ duæ, acaciæ drachmæ duæ, tragacanthæ drachmæ quatuor,
 » hypocystidos succi drachmæ quatuor, rosarum floris drachmæ quatuor, opij dra-
 » chmæ duæ, thuris drachmæ tres, myrrhæ drachmæ duæ, alterci seminis oboli tres:
 » excipito polygoni succo.

Aliud ad sanguinis eductionem, ut Acacius.

» Terre famiæ, corallij, singulorum drachmæ quatuor, minij sinopici drach. duæ,
 » balaustij oboli tres, opij drachmæ quatuor, amyli drachmæ duodecim, thuris dra-
 » chmæ octo, alterci seminis drachmæ octo: polygoni succo excipito, pastillos for-
 » mans, qui obolos tres pendeant: dato ex posca, si defluxio multa fuerit, cum luteo
 » oui tosti, & plantaginis succo.

Aliud, facit sanguinem spuentibus & dysentericis.

» Rosarum floris, opij, acaciæ, gummi, balaustij, hypocystidis, singulorum uncię
 » tres, gallæ unciæ duæ, plantaginis seminis succiq; singulorū unciæ duæ, licij indici,
 » rosarum succi, singulorum uncia una: excipito, pastillos formans, singulos pen-
 » dentes drachmam unam: quidam & omphacij unciam semis adijciūt. Hoc & per
 » anum inditur dysentericis.

Aliud ad cruenta sputa Carteri, ualidius.

» Cicutæ seminis drachmæ duæ, alterci seminis drachma una, amyli drach. una,
 » nardi oboli tres, minij lemnij oboli tres (nonnulli quatuor ponunt) anisi quaterni
 » oboli (alij tres obolos malunt) croci oboli tres: dato cum oui tosti luteo, cum aquæ
 » lactariæ cyathis tribus. Bene facit & ad distillationes.

Aliud ad cruenta sputa, Magni Philadelphi.

» Corallij oboli duo, stellæ famiæ quaterni oboli, polygoni succi cyathi quinq;
 » dato totum bina potione.

De usu prædictorum Andromachi medicamentorum.

Iam sanè cōstabat ex his quæ initio sermonis de cruetis sputis tradidit, quis præ-
 dictorum medicamentorū usus esset. Verum perspicuitatis gratia, summatim re-
 petam. Atq; nunc primū omniū prædictorū, ex acacia, rosis ficcis, balaustio, gum-
 mi, & tragacantho compositum est. Liqueat igitur acaciam, rosas, et balaustij, uim
 habere

habere astringentiam: gummi uero & tragacantham, uiscosam glutinosamq; fieri ergo nō potest, ut ipsum per se ad thoracē & pulmonē emergat, nihil habēs quod astringentia & uiscosa deducat. Præterea neq; mellis quicq; omnino adiecit autor medicamenti, sed ex aqua pluuiali præparat, quæ & ipsa astringentiam quandam uim obtinet. Compositio eius & mensura est, ut ad sanguinis educationes ex stomacho, & uentre accommodetur: si fieri potest, ut etiam ex ieiuno intestino aliquid per nauseam educatur, hoc quoq; utile futurū est. Contrā aut̄ quā superius medicamentum, quintū ordine scriptū, & nonum, compositionē habet, quod admixtū ipsis sit cinamomū, piper, costum, & myrrha: reliqua omnia medio ordine sese habent, neq; exactē astringētibus in cōpositione, neq; ualidē calefaciētibus usa. Opiū uero, altercū, & cicutæ semen, maxime in ijs profunt qui tussi conquatiuntur, aut distillatione infestantur, uel alio modo sunt idonea: omnibus item qui sanguinem quouis modo excreant. Quapropter licet ea miscere illis, tum quæ sanguinem ex instrumentis nutritorijs, tum quæ ex spiritalibus educunt.

Quæ Aselepiades prodiderit ad eos qui sanguinem spuunt, ita habent ad uerbum.

Ad sanguinis educationē. Consolidæ radicis uncia sex, balaustrij drachmæ duæ, uel drachma una, aquæ sextarius unus: coquito ad tertias, expressoq; succo adijcitur amyli drachmā, gummi thebaici par pondus, datoq; potui. *Aliud.* Cucumeris domestici libra una: minutim incidēs, & aquæ potabilis adijciens sextariū unum, coquito ad tertias: ubi succum expresseris, inspergito huic terræ samiaæ sesquidrachmam, exhibeto in potum.

Charixenis medicamentum idoneum.

Polygoni radicis manipulus, consolidæ radicis tantundem, rhus rubri acetabulum, aquæ sextarij tres: incoquito usq; ad tertias, succo expresso dato cyathum, & gummi lauissimi drachmam unam.

Arabiani, Ponticum inscribitur.

Arci uuæ libræ sedecim, aquæ pluuialis sextarij sedecim: coquito ad tertias, succoq; expresso reponito. *Aliud.* Mororum rubentium nondum maturorum libræ sedecim, aquæ pluuialis sextarij sedecim: coquito ad tertias, & succum exprimens reponito. *Aliud.* Cornorum fructus libræ sedecim, aquæ pluuialis tantundem: facit similiter. *Aliud.* Palmulæ glandium thebaicarum libræ sedecim, aquæ pluuialis sextarij sedecim: coquito ad tertias, succū expressum adijcitur cōtusis: ubi omnia miscueris, incoquito ad tertias, & in uase fictili reponito: ex hoc dato cyathum unum ante cibum. Medicamentum hoc ualde bonum est: recidiuam prohibet. Oportet sanē unumquodq; suo tempore præparare, & ad medicamenti compositionem reponere.

De arcu uua.

Quæ dicitur arcu uua, in Ponto nascitur, planta est humilis, & fruticosa: folia habet similia memæcylo, fructum rubrum producit, & rotundum, gustu austerum, hanc uocant arcu uuam.

Catapoton, id est, medicamentum quod deuorari potest, sanguinem spuētibus utile.

Corticis thuris, terræ samiaæ, amyli, singulorum drach. quatuor: contrita cribrataq; reponito: in usu dato cochlear unū ex aquæ frigida cyatho. *Aliud.* Balaustrij, terræ samiaæ, corticis thuris, gummi, singulorum partes æquales: cōtrita cribrataq; dato in modum prædictum.

Ad sanguinis educationem Amaranti medicamentum, quod linctu exhibetur, idoneum.

Vini falerni sextarius unus, mellis attici libra una: cōiecta in uas fictile, contunduntur, & prunis superposita incoquantur. Vbi uero arteriacæ spissitudinē acceperit, remouēs ab igne, finito refrigerari, & huic cōtusa cribrataq; adijcitur, gummi cochlearia quatuor, balaustrij, thuris, terræ samiaæ, singulorū drach. duas, rursusq; igni superimponito, calefacta reponito: dato similiter in modum prædictum.

Alia Origenie.

- » Gentianæ succi, consolidæ succi, balaustij, singulorū drachmæ octo, croci, myr-
 » rhæ, glycyrrhizæ succi, singulorum drachmæ quatuor, passi uel theraci, uel scybeli-
 » tis sextarij sex: præparato datoq; ut ostensum est.

Catapotia anodyna, id est, dolorem lenientia, ad sanguinis eductionem,
 quibus usus est Charixenes.

- » Hypocystidos succi, balaustij, opij, singulorum drachmæ quatuor: excipito ui-
 » no myrteo, formatoq; catapotia, & dato in magnitudinem trium obolorum. In
 » quibusdam scripturis habetur, opij drach. duæ. Aliud. Hypocystidos succi, acaciæ
 » succi, rhus syriaci succi, singulorum drachmæ quatuor, balaustij, opij, gummi, sin-
 » gulorum drachmæ quatuor: uini myrtei quod satis est: usus ostensus est.

Pastillus ad sputa cruenta: medicamentum probatum, inscribitur Trypherum.

- » Amyli, balaustij, terræ samiæ, hypocystidos succi, gummi, croci, opij, singulorū
 » drachmæ duæ: succo plantaginis dato singulas drachmas, liquor dispositioni ido-
 » neus est. Aliud. Amyli, terræ samiæ, hypocystidos, singulorū drachmæ duæ, opij,
 » croci, balaustij, tragacanthæ, singulorum drach. una: succo plantaginis excipiunt.

Pastillus dia electru. Bene facit ad sputa cruenta, tusses inueteratas & recentes, phthisicos, ad
 eos qui difficulter glutinosa reiciunt, purulentos, cœliacos, dysentericos, statibusq; distentos:
 confert etiam morbis auricularibus.

- » Psyllij puri drach. quadragintaquinque, iridis illyricæ, mastiches, electri ramenti, 20
 » croci, singulorum drachmæ triginta, opij drachmæ quindecim: psyllium in aquam
 » calidam cōiectum, finito macerari, ubi uero uiscosa glutinosaq; euaserit aqua, ex-
 » primito liquorem: ex hoc præparato medicamentum, pastillos conficiens, datoq;
 » obolos tres dormituro: sint autem aquæ sextarij tres. In quibusdam exemplaribus
 » habetur, macerato psyllium per tres dies, deinde coquito donec ter ebullierit, po-
 » stea ab igne moueto, rursusq; per tres dies finito, atq; tunc liquor ad medicamenti
 » confectiōnem separatur.

Pastillus Neapolitæ. Confert ad sputa cruenta, purulentos, phthisicos,
 dispositionesq; rheumaticas.

- » Alterci albi seminis, succi mandragoræ, singulorū drachmæ quinque, thuris ma- 30
 » sculi, opij hispani, styracis, coaguli hinni, singulorū drachmæ decem, mastiches dra-
 » chmæ uiginti, ramenti electri, iridis illyricæ, croci, singulorū drach. triginta, psyllij
 » drach. quadragintaquinque, aque sextarij tres: præparato & utitor, ut ostensum est.

Dia coralliu, ut Niceratus.

- » Corallij, terræ samiæ, singulorum drachmæ octo, balaustij, amyli, terræ lemnæ,
 » singulorum drachmæ quatuor, alterci albi seminis, opij, hypocystidos, singulorum
 » drachmæ duæ: excipito plantaginis succo, pastillos formans, datoq;.

Dioclei Chalcedoni.

- » Corallij drachmæ octo, succi hypocystidos, balaustij, acaciæ succi, rheu pontici,
 » terræ samiæ, opij, thuris, consolidæ succi, singulorum drachmæ duæ: excipiuntur 40
 » succo plantaginis.

Aphrodisiacum Cledonium, medicamentum probatum: probè facit ad sputa cruenta, cœliacos,
 dysentericos, & ad eos qui defluxum in stomachum experiuntur.

- » Cytinorum, spinæ ægyptiæ, balaustiorum, succi hypocystidos, succi acaciæ, sin-
 » gulorum drachmæ sex, licij, rheu pontici, opij, singulorū drachmæ quatuor, myr-
 » rhæ drachmæ duæ: cōtusa cribrataq; diligenter excipito myrtorum decocto, & in
 » pastillos formato, datoq; prout uires sunt, cum rosarum decocto, aut myrtorum,
 » aut aqua frigida, spongijs exterius utens posca imbutis. Cum autem defluxio con-
 » stiterit, illinito pectus aut locos defluxu laborantes, omphacio aceto dissoluto te-
 » pido, usque dum calidi cineris habeat spissitudinem.

Philippi

Philippi medicamentum usu probatum in dysentericis, & sputis cruentis.

Balaustij, acacie, hypocystidos succi, opij, thuris, myrrhe, croci, galle, lycij, aloes, »
 rheu pontici, myrtorum nigrorum, malicorij, singulorum drachme quatuor; exci- »
 pito uino Italico, in pastillosq; formato qui pondere obolos tres adæquent: exhi- »
 beto ijs qui febre carent cum uino, febricitantibus ex aqua. Medicamēta à dolore »
 leniendo anodyna dicta, phthificis, sanguinis educationibus, & alijs quibusdam »
 præter colicos congruunt. In ijs qui sanguinem educunt, non autem omnino ta- »
 be detinentur, hoc genus anodynorum medicaminum, quod maiores nostri com- »
 posuerunt, accommodum est sanguinem educentibus, & ijs qui simul hoc patium- »
 10 tur, & iam tabidi sunt. Item ad alios dolores & dispositiones, præter colicas, quæ-
 cunq; in pulmone, arteria, & thorace, reliquisq; particulis constituuntur. Differunt
 autem ab ijs, quæ propriè colicæ uocantur, mistura aromatum & seminum suauiter
 olentium, urinamq; cientium: nam facultates colicorum ualentiores his sunt,
 ut quæ facultatem stupefactoriã ex refrigerantiũ medicamētorum copia præpol-
 lentē habeant, quale est alterci semē, & cicute, et liquor papaueris: item & cortex ra-
 dicis mandragoræ. Vt autē ipsis in colicis cogimur, propter doloris magnitudinē,

Quæ Andromachus ad prædictas dispositiones memoriæ prodiderit.

Medicamentum à dolore leniendo dictum anodynon, facit ad omnes interio- »
 res affectus, & pleuritidas, quo utor. Panacis radice, dauci seminis, singulorũ dra- »
 chmæ quatuor, castorei drachmæ quatuor (aliq; uero drachmæ duæ) alterci seminis, »
 opij, singulorum drachmæ quatuor (aliq; drachmæ duæ) mellis quod satis est: dato »
 20 obolos tres ex aquæ cyathis tribus. »

Aliud anodynum Marcellini.

Anisi drachmæ duæ, alterci seminis drachmæ duæ, papaueris drach. una, apij »
 seminis drachmæ duæ, croci oboli tres, rosarum siccarum drachma una, myrrhæ, »
 amomi, singulorum drachma una: ubi aqua læuigaueris, in trigintaduos cogito »
 pastillos: dato in noctem ex aqua cyathis duobus aut tribus. »

Aliud anodynum, eo quod ex seminibus constat, ἄλξι σποσπύκετρω dictum.

Apij seminis, ammeos, singulorũ drachmæ octo, anisi drachmæ quatuor, mala- »
 30 thri drach. quatuor, opij drachmæ duæ, casia nigra drach. duæ: ex aqua pastillos »
 fingito obolos tres pendētes: dato cum passi hemina decimasexta parte, aut aqua. »

Aliud anodynum Achillæ Paracenteti.

Anisi, ammeos, singulorũ drachmæ octo, apij seminis drachmæ quatuor, opij »
 drachmæ duæ, nardi indicæ, myrrhæ, singulorum drachmæ duæ, piperis drachma »
 una, casia nigra drachmæ duæ: fingito pastillos obolos tres pendētes, ut siccati sin- »
 35 guli obolos duos pendeant, ac dato ut reliquos. »

Aliud anodynum Xenocratis, quo utor potissimum ad tormina quæ σπόφως uocant, & dysentericos.

Apij seminis drachmæ quinq;, anisi drachma una, piperis albi drachma una, »
 40 myrrhæ oboli quatuor, castorei oboli quatuor, opij oboli tres, gentianæ drachmæ »
 duæ: fingito pastillos trium obolorum, & dato uario modo. »

Aliud anodynum Sphragis, exiccans defluxiones, tormina & tussim, quo utor.

Myrrhæ drachmæ quinq; (aliq; drach. sex) corticis mandragoræ drach. quatuor, »
 liquoris papauerum drachmæ quinq;, alterci seminis drach. quatuor (aliq; drachmæ »
 duæ) thuris drachmæ quinq;, croci tantūdem: uino excipito: dato prout uires sunt: »
 quibusdā quod fabæ ægyptiæ magnitudinē impleat, quibusdam etiã obolos duos. »

Aliud anodynum Aster dictus, quo utor ad omnē defluxum, dolores, & omnes internas dispositiones, item ad distillationes, uescicam, suffocationes, fluxum muliebrem, stomachum fluxione infestatum, dysentericos, sanguinem expuentes, resolutosq;.

Croci oboli tres, alterci seminis drach. sex, apij seminis drachmæ sex, anisi drach. »

» quatuor, styracis drachmæ quatuor, dauci seminis drachmæ quatuor, croci dra-
 » chmæ tres, castorei drachmæ duæ, opij drachmæ tres, myrrhæ drachmæ duæ: non-
 » nulli & mandragoræ succi drachmas quatuor adijciunt, ut Xenocrates: item pipe-
 » ris albi drachmæ sex; fingito ex aqua pastillos, qui trium obolorum pondus ha-
 » beant, datoq; ex aqua.

Aliud anodynum Lycomedii exiccans, ad defluxus, & arterias, oculosq; profluentes.

» Alterci seminis, apij seminis, opij, singulorū drachmæ duæ, anisi drachma una,
 » croci oboli quatuor, rosarum siccarum drachmæ duæ, myrrhæ drachma una (alij
 » uero drach. ij.) ex aqua fingito pastillos tres obolos pendētes: utitor ut Trigono.

*Aliud anodynum exiccans: probè facit ad spūta cruenta, coeliacos, dysentericos,
 rupturas, item & ad conuulsiones.*

» Anisi, apij seminis, opij, singulorum drachmæ quatuor, croci drachma una, al-
 » terci seminis drachmæ quatuor, styracis drachma una, iunci odori drachma una,
 » balauftij oboli quatuor; ex aqua in pastillos cogito duos obolos pendentes; dato
 » ex uino, aut aqua, aut passo.

Alia potio anodynos, qua utor, à Ruso composita.

» Corticis mandragoræ drachmæ quatuor, thuris drachmæ quinque, piperis albi
 » drachmæ sex semis, croci drachmæ quinque, alterci seminis drachmæ quatuor, liquo-
 » ris papaueris drachmæ quinque, myrrhæ tantundem, nardi oboli tres, casia nigra
 » drach. duæ: ubi in leuorem redegeris, excipitio passo, pastillos fingens drachmam 20
 » unam pendentes, & reponito, ne humiditatem recipiant; dato ex aquæ calidæ cy-
 » this duobus, cholericis ex aqua frigida.

Aliud anodynum ad omnes interiores dispositiones, quo utor.

» Casia nigra, myrrhæ, opij, aluminis, croci, singulorum drachma una; nonnulli
 » singulorum drachmam unam obolos tres ponunt; fingito pastillos trium obolo-
 » rum, aut duorum; dato si febris adsit, ex aqua; ijs qui febre non infestantur, in uino;
 » hepaticis ex mulla, item & pleuriticis, Bene facit & ad tussim.

Aliud anodynum exiccans, Trigonis.

» Alterci seminis drachmæ quatuor, anisi, opij, singulorum drachmæ duæ: fingi-
 » to pastillos ex aqua, & dato mane & uesperis, singulos ex frigida.

Aliud anodynum Aselepiadis ad omnes internas dispositiones.

» Seseleos, chamæpityos, betij herbæ, syluestris rutæ seminis, dauci seminis, singu-
 » lorum drachmæ sex, alterci seminis, opij, singulorum drachmæ octo, castorei dra-
 » chmæ uiginti quinque, rheu pontici drachmæ sedecim: melle excipito.

Aliud ut Charicles.

» Turdi drachmæ octo, chamæpityos tantundem, rheu pontici drachmæ sex, ca-
 » storei drachmæ duodecim semis, betæ drachmæ octo, syluestris rutæ seminis dra-
 » chmæ octo, dauci seminis drach. octo, opij drachmæ quatuor, alterci seminis dra-
 » chmæ quatuor, croci drachmæ quinque; nonnulli mel atticum adijciunt.

Aliud anodynum Iucunda dictum: facit ad eos qui phthisi consumuntur, infanturq;.

» Iridis illyricæ drachmæ triginta, electri, croci, mastiches chiæ, singulorum drach.
 » triginta, psyllij drachmæ quadraginta quinque; aut triginta, liquoris papaueris dra-
 » chmæ quindecim: ex aqua pluuiali fingito pastillos, singulos drachmam penden-
 » tes & obolos tres, datoq;. Psyllium in aqua pluuiali macerato per diem et noctem,
 » deinde incoctum exprimito cum reliquis, atq; sic misceto.

*Alia potio anodynos ex commentarijs Aphrodæ, ad omnem dolorem,
 neruos, secundas mulierum, coxasq;.*

» Liquoris papaueris, opobalsami, singulorū drach. una, aut fructus opobalsami
 » drach. una oboli duo, myrrhæ, alterci seminis, castorei, styracis, singulorum drach.
 » una: excipito passo, datoq; cū aquæ calidæ cyathis duobus aut tribus sesquiboli.

Aliud.

Aliud catapotium anodynum ex Aphrodæ commentarijs, ad omnes dispositiones internas, item ad quartanas: diebus intercedentibus à cibo abstinetur, deinde assumitur. Bene facit etiã ijs qui calculo infestantur, dysentericis, stomachicis, & iam desperatis, nauseantibus: item confert ad oculorum dolores optimè.

Alterci feminis, anisi, styracis, singulorum drachmæ quatuor, croci, opij, singulorum drachmæ tres, castorei drachmæ duæ: in formulas ex aqua digerito ægyptiæ fabæ magnitudine: dato ex aqua cyathis duobus.

Aliud anodynum ad omnes internas dispositiones.

Apij feminis drachmæ duæ, anisi tantundem, piperis longi, & nigri, singulorū drachma una, castorei oboli quatuor, myrrhæ, opij, singulorum oboli quatuor, panacis, gentianæ, singulorum oboli quatuor, dulcis radiculae succi oboli tres; cogito in pastillos trium obolorum: dysentericis drachma una datur.

Alia potio ad omnes affectus internos, sanguinis educationem quacumq; ex parte feratur, etiam si ex vulnere: in quibusdam facit & ad nephreticos & hepaticos: hanc non antè exhibeas nisi mercede accepta.

Cinamomi, casia, singulorum drachmæ duæ, myrrhæ drachma una, piperis albi drachma una, piperis longi drachma una, galbani drachma una, opij drachmæ duæ: læuigato cum modico melle: partim in formas cogito instar fabæ, partim instar cicerculæ: dato prout vires sunt, ex aqua, aut ut tibi uisum fuerit.

Alia anodynos Crateri, ad phthysicos, & sputa cruenta.

Myrrhæ drachmæ sex, mandragoræ drachmæ quatuor, alterci feminis drachmæ quatuor, opij drachmæ quinque, croci, thuris, singulorum drachmæ quinque, rheu drachmæ quinque, cicutæ feminis, styracis, singulorum drachmæ quinque: mulso excipito.

Aliud anodynum Mysterion, ut Niceratus: facit ad phthysicos, tussientes, cœliacos, dysentericos, item ad defluxiones: statim opitulatur.

Costi, croci, castorei, asari, alterci feminis, opij, styracis, singulorum drach. una: nonnulli alterci feminis dimidiam partem ponunt: melle excipiens utitor.

Alia anodynos ad distillationem utilis.

Alterci feminis, liquoris papaueris, amyli, singulorum drachmæ duæ, anisi drachma una; spicæ nardi drachma una; croci, drachma una, minij sinopici oboli tres, aut lemnij drachma una: fingito pastillos triginta, datoq; duos in nocte ex aqua.

Quæ ab Asclepiade prodita sunt ad easdem dispositiones.

Medicamentū quod lingitur, pharos inscriptum. Vini sextarij dimidium, succi marrubij decocti sextarius unus: hæc in uas uitreum coniecta finito macerari per noctem & diem, in sequenti die emollito medicamentū, quemadmodum chondrū maceramus, ac ubi omnino dissolutum fuerit, liquorem exprimito, & huius iniectam selibram imponens igni, coquito continuè: & ubi coierit ut mellis habeat spissitudinem, datur ex hoc mystrum ante & post cibum, pari portione. *Aliud.* Marrubij tenerimorum foliorum manipulus, aquæ quātum sufficit. Hæc in uas fictile coniiciens coquito, & cum dissoluta fuerint, eximens terito, & decocto soluta rursus incoquito, inspergens farinae pollinis acetabulum, & pinguis hinni elaborati uncias tres, adijciens: atque ubi ea quæ coquuntur bene habuerint, ut reliquas sorbitiones remouens ab igne, & salis modico insperfo, exhibeto sorbenda, copiosius sorpta magis profunt.

Aliud Nicerati: facit ad purulentos, ad eos qui difficulter spirant, diuturna tussi molestantur, quiq; glutinosum uiscosumq; educunt, & ijs quæ à partu purgantur lac reducit: facit etiam bene infantibus alimentum non sentientibus, datum in cibus.

Marrubij succi sextarij sex: probè autem oportet hoc colligere recens, & tum sum exprimere; uini falerni sextarius unus, mellis atticici par mensura, piperis albi,

- » myrrhæ, thuris, singulorum drachmę octo: coquito uinum succumq; & ubi tertia
 » pars relicta fuerit, adijcito mel: ubi coierint, sicca adijcito: diligenter trita omnia
 » transfundito in uas uitreum, datoq; mystrum ante cibum.

Aliud, Scribonij Largi.

- » Marrubij succi sextarij sex, semperuiui succi tantūdem, mellis attici sextarij qua
 » tuor, aut unus, uini Italici sextarius unus, picis liquidæ, brusæ tantundem, nardi in
 » dicæ, croci, myrrhæ, thuris, piperis albi, singulorum drachmæ octo: preparato, &
 » utitor in modum prædictum.

Aliud, phthificis & distillationibus thoracem instantibus accommodum.

- » Cucumeris domestici excorticati drachmæ octo, amyli drachmæ quatuor, lini 10
 » feminis, papaueris albi feminis, singulorum drach. duę: confusa cribrataq; excipi-
 » to diluto tragacanthæ, fingitoq; pastillos drachmā unam pendentes, & dato obo-
 » los tres, ijs qui febrē carent ex uino & myrti diluto, febricitantibus ex succo rhus.
 » *Aliud.* Amyli drachmæ quatuor, cucumeris domestici feminis torrefacti, papaueris
 » albi feminis torrefacti, amygdalarum purgatarum, singulorum drachmę duę, tra-
 » gacanthæ drachma una oboli tres, croci drachma una: excipito tragacanthæ dilu-
 » to, ad hæc ex scybelitæ decocto, & utitor similiter.

*Aliud, Scribonij Largi catapotium ad phthificos, & eos qui difficulter glutinosa ex-
 creant, purulentosq; facit, membranas educit, abunde purgat:*

oportet autem insistere medicamento.

- » Sagapeni, myrrhæ, singulorum drachmæ duę, opij, cardamomi, singulorum 10
 » drachmæ quatuor, castorei tantundem, piperis albi oboli tres: excipito passo, et fac
 » catapotia: dato ex cyathis tribus aquæ calidæ bibere.

Alia Thespiani purulentis efficax: conserit etiam ad latentes abscessus.

- » Apij feminis, opij, melanthij, singulorum drachmę tres, castorei drachmę duę,
 » dauci feminis, sinonis, iridis, singulorum drachmæ sex: excipito melle decocto, da-
 » toq; cum aquæ cyathis tribus, instar nucis auellanæ.

*Aliud Cofi ad ea quæ agrè sursum educuntur: facit etiam & ad purulentos:
 maxime autem utile est ijs qui crassa glutinosaq; reijciunt.*

- » Mellis attici decocti, ut glutinosum fiat, libram unam, piperis confusi cribratiq; 30
 » myrrhæ, singulorum unciam unam: excipito myrrham & piper læuigata melle
 » cocto, datoq; in catapotia instar nucis auellanæ. In quibusdam exemplaribus ha-
 » bet, myrrhæ drachmæ duę, mellis decocti libra una, piperis uncia una, myrrhæ,
 » opopanax, singulorum drachmæ sex: preparato, datoq; similiter in modum
 » prædictum.

*Aliud. Pastillus dia mandragoru, id est, ex mandragora Sphragis inscriptus: facit ad sputa
 cruenta, omnemq; defluxionem exiccat.*

- » Corticis mandragoræ radicis drachmæ quatuor, alterci feminis drachmæ qua-
 » tuor, thuris masculi, liquoris papaueris, myrrhæ, croci, singulorū drachmę quinq;
 » læuigata in pastillos cogito qui singuli obolum pendeāt, datoq; secundum unius-
 » cuiusq; dispositionem. 40

Aliud Ptolemæi Gnorimi.

- » Styrcis, opij, thuris, croci, singulorum drachmæ quinq;, corticis mandragoræ,
 » alterci albi feminis, dauci cretici, singulorum drachmæ quatuor, casia drach. duę:
 » uino aminæo excipito, datoq; obolum ex aquæ calidæ cyathis duobus.

Aliud ad easdem dispositiones.

- » Styrcis drachmę sex, myrrhę, opij, alterci feminis, erysimi torrefacti, singulorū
 » drachmæ quatuor, corticis mandragoræ, opopanax, singulorum drachmæ duę:
 » piperis albi, nitri spumæ, singulorum drachma una: melle cocto excipito, datoq;
 » quod erui magnitudinem æquet.

Aliud

Aliud panchreston inscriptum: probe facit ad tusses diurnas, purulentos, & recta ceruice spirantes, phthisicos: item ualet ad præcordiorum distensiones, omnemq; inflationem, mulierum menstrua, & ea que relicta sunt ex corruptione, aut secundas à partu educit: medetur etiam uesicæ dispositionibus.

Resinæ terebinthinæ drachmæ octo, styracis drachmæ sex, myrrhæ drachmæ quinque, croci, iridis, galbani, singulorum drachmæ quatuor, alterci seminis, corticis mandragoræ, erysini torrefacti, opopanacis, singulorum drachmæ duæ, piperis, aphronitri, singulorum drachma una: passo excipito.

Charixenis peripneumonia, & diurna tussi laborantibus medicamentum idoneum.

Myrrhæ, thuris corticis (in alio & opij et mandragoræ habet) sagapeni, alterci albi seminis, opopanacis, dictamni cretensis, pilularum marrubij, singulorum drach. iij. macerata in aqua formato pastillos, datoq; ex mulsæ cyathis tribus, obolos tres.

Aliud medicamentum Asclepiadis cognominati Philosophici probatum.

Corticis mandragoræ, apij seminis, singulorum drachmæ quatuor, myrrhæ, croci, anisi, dauci seminis, succi rhus rubri, alterci seminis, piperis albi, castorei, sagapeni, opopanacis, singulorum drachmæ duæ: melle cocto excipito, datoq; secundum cuiusq; uires: liquor autem sit dispositioni congruus.

Antidotum Thepesiani, phthisicis, & ijs qui difficulter glutinosa reijciunt, purulentisq; idoneum: facit etiam ad omnes interiores dispositiones: in primis autem appetitum excitat ad cibum.

Apij seminis drachmæ duodecim, myrrhæ, anisi, opij, singulorum drachmæ sex, piperis albi drachmæ quinque, petroselinij, nardi, piperis longi, singulorum drachmæ quatuor, castorei, iunci odorati floris, croci, singulorum drachmæ tres, cinamomi drachmæ duæ, casia aromaticæ drachmæ quatuor: excipito melle cocto, datoq; instar nucis auellanæ dormituro, ex aquæ cyathis tribus.

Antidotum Aristis aristomaci miræ facultatis: hoc Paulinum appellamus: probe facit ad spumata cruenta, tussientes, phthisicos, purulentos, peripneumonicos, conuulsiones, rupturas, stomachi subuersiones: ualet item ad choleram, coeliacos, dysentericos, uesicæ dispositio nes, uulnæ suffocatus, ad febres quæ per circuitum repetunt, hora ante accessionem exhibitum. Confert & malo habitu præditis, qui cibum non sentiunt, aduersus letalia medicamenta, & bestiarum uirus iaculantium ictus.

Cinamomi, costi, galbani, castorei, liquoris papaueris, piperis nigri & longi, styracis, singulorum drachma una, mellis sextarius unus: sicca contunduntur, incernunturq; tenuissimo cribro: galbanum uero cum melle coquitur, et cum dissolutum fuerit, mel infaccat, & huic reliqua adijciuntur, contundunturq;: deinde reponuntur pyxide uitrea aut argentea: utitor ad prædictas dispositiones, et dato ex mulsæ cyathis tribus, quod fabæ ægyptiæ magnitudinē habeat, instilatis digito aceri guttis nouem.

Alia Antonij Musæ, Panacia: usus est Diotas iatraleiptes: facit ad eos qui per circuitum rigore infestantur, diurnas febres discutit, reliquosq; morbos: confert diurnæ tussi, phthisicis, glutinosa uix excrementibus, purulentis, difficulter spirantibus: item conuulsionibus, rupturis, diurnis lienis inflationibus, hydropicis, inueteratis coeliacis: educit rennum calculos, & irinam probe citat: ualet aduersus omnem serpentis ictum, & letalia medicamenta, & quamlibet materiam uirulentam.

Piperis albi aut longi drachmæ octo, alterci albi seminis, cardamomi, myrrhæ, thuris, singulorum drachmæ duodecim, opij, croci, singulorum drachmæ decem, sulphuris uiui drach. sex, costi, aristolochiæ longæ, corticis aut mali mandragoræ, euphorbij, singulorum drachmæ tres, mellis attici decocti quod satis est: datur ijs qui per circuitum rigore infestantur instar nucis auellanæ, reliquis secundum uires.

Alia Cerusiani, data à Philippo Trallianis: hac uens, phthisicos, purulentosq; liberauit.

Piperis albi, liquoris cyrenaici, syriaci, liquoris papaueris, singulorum uncia

» tres, myrrhæ, croci, sulphuris uiui, alterci albi feminis, singulorum semuncia, ma-
 » lorum mandragoræ drachmæ duæ, cardamomi uncia una, mellis attici libra una;
 » datur prout uires sunt, in modum prædictum. Sic in alio exemplari scriptum reli-
 » quit, piperis uncia tres, liquoris cyrenaici uncia una, liquoris papaueris semuncia,
 » liquoris syriaci semuncia, alterci albi feminis, malorum mandragoræ, singulorum
 » drachmæ duæ, cardamomi uncia una, mellis attici libra una; datur prout uires exi-
 » gunt in modum præscriptum.

De orthopnoea.

Qui citra febrem crebro ueluti à citatiore cursu respirant, ab accidenti quod su-
 peruenit, nostris suspiriosi, Græcis ἀδματιχοὶ appellantur, ijdemq; ab alio sympto-
 mate, orthopnoici dicuntur, quod perpetuò supra thoracem totum corpus rectū
 habere coguntur, metuentes ne strangulentur. Hinc cubile in superioribus parti-
 bus, quibus thorax incumbit, rectius ipsis præparant, ne dormientes suffocatu pe-
 reant. Et quod inspiratur ipsis, minus est quàm usus respirationis requirat, et si tho-
 rax plurimum distendatur; unde etiã constat, angustiam quãdam meatuum præ-
 ter naturam intus ipsis esse obortam, cuius euidentem quoq; egrotãtes ipsi sensum
 obtinent. Accidit igitur & purulentis, quos empyos nominant, meatuum angu-
 stia, propter humorem intra thoracem & pulmonem congregatum. Iam & peri-
 pneumonicis, ex pulmonis inflammatione obuenit. Reliqui uero sunt duo affe-
 ctus, qui angustiam uis per quas spiritus inspiratur, efficiunt, quum uel humorū
 crassorum, uiscosorumq; copia pulmonum cauernulis infarcta est, uel tumor ali-
 quis abscessum referens in ipsis consistit. Ac curatio sanè aliquid utriq; dispositio-
 ni commune, aliquid alteri proprium obtinet. Commune quidem, ut humidita-
 tis morbos generantis superfluitatem absumat aboleatq; peculiare uero, ut quæ
 uiscolis crassisq; humoribus dicata est, attenuantibus & absterforijs medicamen-
 tis constet: quæ uero tumoribus abscessorijs, extenuantibus & delicatorijs; quæ rur-
 sus uniuersis in alto corporis latentibus abscessibus communis est. Vini igitur po-
 tio utriq; cõuenit, tenuis subsistentiæ. Vniuersus autem potus exiguus competit,
 quibus abscessus oboritur; multus, quibus pulmonum cauernæ uiscolis, crassisq;
 humoribus sunt infarctæ. Etenim medicamēta quæ eiusmodi ipsorum humores
 abstergunt, tussis quidem necessariò mouent; id autē quod abstergitur, non facile
 propter crassitiem expuitur. Maiore itaq; humiditate opus est, ut ex facili sursum
 possint egeri. Verum sicut in alijs medicamētis citra distinctionem scribentes ple-
 riq; medicorum, ita etiam in ijs quæ ad hæc ambo uitia conueniunt, delinquant.
 Quinetiam nonnulla medicamētorum conficiuntur, alteri affectuum utilia, quæ dā
 alteri, aliqua ad ambo mediocriter congruūt; nihil autem quod dici queat auxiliij
 adferunt. Indicabo singula quæ maiores tradiderunt medicamenta insignia, qualē
 facultatem habeāt, auspiciatus ab ijs quæ in secūdo interiorū Aesclepiades tradidit.

Quæ Aesclepiades ad spirandi difficultatem medicamenta memoriæ prodiderit.

Linctus ad egrè spirantes, Antonij Muse.

» Afellorum qui sub aquarijs uasis delitescunt sextarius: in uas fictile iniectus su-
 » per prunas torretur: ubi alborem acceperint, teruntur, et melle cocto excipiuntur:
 » daturq; mystrum in linctu ante cibum. Aliud. Scillæ crudæ succū exprimito, eiq;
 » mellis attici tantundem addito: superposita prunis incoquito, datoq; mystri men-
 » sura ante cibum & post.

Aliud Charixenis.

» Origani drach. octo, thymi comæ, iridis illyricæ, calaminthæ siccæ, piperis albi,
 » anisi torrefacti, singulorū tantundē: contūdito incernitoq; cribro tenuissimo: mel
 » le cocto excipito: datur nucis auellanæ instar. Aliud. Piperis albi libra, thuris unc.
 » quatuor, calaminthæ siccæ, anisi torrefacti, pulegij sine fructu, singulorū uncie tres,
 » apij

apij feminis, thymi, gummi, singulae unciae: excipito melle, & praeparatis, ut dictum est, utitor. »

Potio ad spiritus difficultatem, medicamentum Chariclis probatum: protinus auxiliatur.

Vuae passae rhodiae sine acinis acetabulum, foenu graeci loti tantundem, aquae pluralis sextarius: coquuntur quousque dissoluantur: liquor percolatus reponitur. »
Ex hoc dato, calefaciens continuè, & singulis accessionibus, cyathi mensuram. »

Aliud. Abrotani partes duae, uuae passae pinguis tantundem, rutae furculorum pars una, aquae pluuiialis sextarii tres: coquuntur ad tertias: liquor exprimitur, atque huic adiectis mellis uncijs decem, rursum incoquuntur, danturque ut praedictum est. »

Catapotium, difficulter spirantibus, & suspensiois utile.

Abrotani partes duae, furculorum rutae, absinthij, gummi, singulorum drach. »
quatuor: contusa cribrataque aceto, macerata in orbiculos duodecim cogito, datoque »
ex oxymelite. »

Aliud Nicerati.

Castorij, suffiminis ammoniaci, abrotani, singulorum unciae duae, absinthij, curmini aethiopici, singulorum drachma una. Aceto macerata in catapotia formato, »
datoque ciceris magnitudine. »

Medicamentum quod ex sulphure uiuo constat, ad difficulter spirantes.

Anisi, sulphuris ignem non experti, singuli quadrantes, guttae ammoniaci, castorij, melanthij, singulorum drachmae quatuor: uino dissoluta in catapotia cogito, »
ac dato unum ex ternis oxymelitis cyathis. *Aliud.* Rutae syluestris feminis drachmae quatuor, aristolochiae, abrotani, absinthij, guttae ammoniaci, sulphuris uiui, »
singulorum paria pondera: aceto macerata, in orbiculos ciceris instar cogito, duos »
ex tribus oxymelitis calidi cyathis propinato. Haec omnia medicamenta ab Asclepiade prodita, ijs qui proprie a difficultate spirandi, dyspnoici graece appellantur, conueniunt, uocant autem sic, quibus cauernae pulmonis humoribus crassis & uiscosis repletae sunt, in quibus ut dixi praeterquam quod humorum crassities lentorque incidetur, extenuabiturque, non nihil etiam humiditatis medicamentis & uictui adesse conuenit. Abscessus autem quum extenuantia, siccantiaque requirant, gaudent maxime aromatum facultatibus, quas omnes esse tenuium partium, & siccatorias ostendimus, necnon calefacere. Quare ijs, qui non nisi recta ceruice respirant, & asthmaticis medicamenta conuenient, quae citra calorem incidunt: eoque maxime ipsos acetum iuuat scilliticum, ipsaque scilla, & quod ex huiusmodi aceto praeparatur oxymel. Caeterum asellorum meminit, qui sub hydrijs stabulantur, ceu extenuatoria & digerenti facultate praedictorum. Ex qua uero notione ad usum ipsorum peruenerit, non possum explicare. Verum sicut id quod uehementer calefacit, in huiusmodi affectu uitandum est, eo quod uiscosi crassique humores non solum nihil inde iuantur, uti etiam offenduntur: eodem modo, quae ualide refrigerant, cauere oportet: incrasant enim omnia, humores contrahunt, et abstersioni contumaces reddunt. »
Qua de causa recte fecerunt huiusmodi medicaminum autores, qui neque papaue- »
ris liquorem, neque mandragore succum, aut radicis corticem, aut alterci semen, aut cicutam, aut psyllium, aut lini semen miscuerint: multo magis neque astringens aliquod medicamentum. Nam huiusmodi dispositionibus maxime aduersant, uti uidetis. »

Quae Andromachus tradiderit medicamenta ad huiusmodi dispositiones, &

spirandi difficultatem.

Sulphuris uiui drachma una, rutae syluestris feminis drachma una, aristolochiae, »
absinthij, guttae ammoniacae, abrotani, singulorum drachmae quatuor: leuigata ex »
aceto formato pastillos fabae magnitudinis: dato mane tres, in noctem totidem. »

Aliud ad spirandi difficultatem, ut Alcimus.

Cucurbitae syluestris, quae colocynthis dicitur, carnis oboli tres, panacis totidem, »

- » anisi obolus unus: ex aqua excipito, catapotia quatuor efficiens; ubi siccaueris, dato obolum: pridie autem simplici euacuatione uenter inaniatur. *Aliud.* Cucurbitæ syluestris sesquidrachma, iridis illyricæ, radicis opopanacis, singulorum drachma, abrotani drachma una, nitri drachma una (alij obolos tres ponunt) aqua excipito, & formato pastillos instar fabæ; dantur quatuor, intercedete dimidia hora, dato mulsæ hemina dimidiū. *Aliud.* Sinapi drach. una, salis cōmunis oboli tres, elaterij oboli tres (alij sesquiobolum ponunt) læuigatis ex aqua formato pastillos octo, quotidie dato ex hydromelite. *Aliud.* Guttæ ammoniacæ drachma una, abrotani drachmæ duæ, sulphuris ignem non experti drachma una: ex aqua fingito pastillos; exhibeto ex hydromelitis cyathis tribus.

Aliud, ad eos qui non nisi recta ceruice spirant.

- » Elaterij semiobolum, alinos qui ex stercoreibus capiuntur tres: læuigato simul, datoq; dimidium cum aquæ cyatho uno.

Aliud ut Philinus: facit ad suspirium & spirandi difficultatem.

- » Cardamomi drachmæ tres, iridis sesquidrachma, panacis sesquidrachma, cassiæ sesquidrachma, struthij sesquidrachma, styracis drachmæ duæ, thymi drach. octo, rutæ syluestris seminis drachmæ octo, abrotani drachmæ octo; aristolochiæ clematidis, sulphuris uiui, guttæ ammoniacæ, singulorum drachmæ octo: ex aceto acris in cerati spissitudinē redigito, ac dato ægyptiæ fabæ instar ex aquæ cyathis tribus.

Ad eos qui non nisi recta ceruice spirant, ut Apollonius.

- » Scillæ pars una, sulphuris uiui, bituminis, utriusque pars una: dantur oboli tres ex oxymelite.

Ad eos qui non nisi recta ceruice spirant Socrate autore.

- » Opopanacis drachma una, myrrhæ drachma una, piperis grana quadraginta, rutæ fasciculus quantus duobus digitis comprehendi potest: læuigans fingito catapotia uiginti, et dato manè unum, item uesperis tantundem, febricitantibus ex aquæ cyathis duobus, ijs qui febre carent ex aqua.

Ad eos qui non nisi recta ceruice spirant, Andronici.

- » Sulphuris uiui oboli tres, guttæ ammoniacæ drachma, anisi, myrrhæ, castorei, singulorum drachma, cumini æthiopici drachma: ex aqua pastillos formato, singulos scrupula tria, aut quatuor pendentes: in nocte dato ex aquæ cyathis duobus.

Ad eos qui non nisi recta ceruice spirant, tussientes, peripneumonicos, phthisicos, difficulter spirantes, hepaticos, ut Eugenius.

- » Croci drachmæ octo, misyos drachmæ quatuor, baccarum lauri drachmæ duæ, piperis albi & longi, utriusq; drachma una, opij drachmæ tres, costi oboli tres, resinæ terebinthinæ oboli quinque, galbani oboli tres, glycyrrhizæ succi oboli duo, gummi obolus unus, mellis selibra: dato cochlearium unum ex aquæ cyathis duobus, aut tribus: si resurget, etiam aute cibum & post.

Ad eos qui non nisi recta ceruice spirant, Valentis.

- » Opopanacis drachmæ duæ, cucurbitæ syluestris carnis drachma una: summa mensura hæc est.

Aliud Onetri.

- » Castorei drachma una, guttæ ammoniacæ drachmæ duæ: huius dimidium dato ex mulsæ.

Ad eos qui non nisi sub recta ceruice spirant, Podanithi.

- » Sinapis drachma una, salis drachma una, nitri oboli tres: in octo pastillos cogito: datoq; in noctem duos, & die intercedente etiam sex aqua exceptos dato.

CLAVDII